

# Քրիստոնեական հարցեր

ՄԱՅՐ ԱԹՈՒ ՍՈՒՐԲ ԷԶՍԻԱԾՆԻ ԿՐՈՆԱԿԱՆ, ՄՇԱԿՈՒԹԱՅԻՆ, ԼՐԱՏՎԱԿԱՆ ԵՐԿՐԱԲԱԹԱԹԵՐԹ

## Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի պատգամը Տեր և Փրկիչ Հիսուս Քրիստոսի Սուրբ Հարության տոնի առիթով

Յանուն Հօր և Որդու և Հոգուց Սրբոյ. ամեն:

«Ինչպես որ Քրիստոս մեռելներից հարություն առավ Հոր փառքով, նույնպես և մենք քայլերն նոր կյանքով» (Հռոմ 6.4):

Միջերկրի հավատավոր ժողովուրդ, Այսօր, համախմբված եկեղեցիներում, տոնում ենք մեր Տեր Հիսուս Քրիստոսի Սուրբ և Հրաշափառ Հարությունը: Փառաբանում ենք Աստվածորդուն, որ մեր փրկության համար հանձն առավ ամեն գոհողություն, չարչարանքներ կրեց, խաչվեց, թաղվեց և հարություն առավ: Փրկիչ Հարությանը լուսավորվեց նոր կյանքի ճանապարհը: Աղանակյան մեղքով Աստծուց հեռացած և մահվան իշխանությանը ենթակա մարդկությանը Փրկիչ մեր Տերը՝ Հիսուս, կոչեց հարուցյալ կյանքի, որպեսզի, ազատվելով չարի ու մահվան կապանքներից, արժանի լինի տերունական փրկարար շնորհներին և ժառանգի երկնքի արքայությունը: «Ինչպես որ Քրիստոս մեռելներից հարություն առավ Հոր փառքով, նույնպես և մենք քայլերն նոր կյանքով», – պատգամում է առաքյալը:



տամուտ լինեն Բարձրյալ Աստծո կամքին՝ հաղթահարելու համար առկա ծանր փորձությունները, ամրապնդելու հիմքերը համայնությանը համերաշխության, խաղաղ համակեցության և արդյունավոր գործակցության: Համընդհանուր պայսիսի ջանքերով է, որ ժողովուրդներն «իրենց սուսերներից խոփել արտի ձուլեց և իրենց սվիններից՝ մանգաղներ. ազգ ազգի վրա սուր չպիտի բարձրացնի, և նրանք այլևս չեն սովորելու պատերազմել», – ինչպես ազդարարում է մարգարեն (Եսայի 2.4):

Միջերկրի, արցախյան ողբերգական պատերազմից տարիներ անց տակավին տագնապներն ու մտահոգությունները չեն լքում մեր սրտերը, որ տեսնում են խաղաղություն ու անվտանգություն: Մեր ժողովուրդը լավագույնս գիտի արժեքը խաղաղության ու անվտանգության, որի համար ազգի գավակները վճարել են իրենց կյանքով: Գեոթաթում են մեր կրած վշտերն ու վերքերը, որոնց ցավն այսօր սավելի է խորանում արցախահայության իրավունքների ոտնահարումով, պատանդառված մեր հայրենակիցների ապօրինի ազատագրված: Ցավը խորանում է, երբ շարունակվում է սերմանվել պառակտումի որոնք, երբ անտեսվում ու խեղաթյուրվում են նվիրական արժեքները, երբ գործադրվում է կամայական ու ընտրովի արդարադատություն, և կեղծ ու շինծու մեղադրանքներով իշխանությունների կողմից բռնաճնշումներ են իրականացվում: Եկեղեցու նկատմամբ: Եկեղեցին Քրիստոսով անսասան է, հզոր և աներեր: Եկեղեցին Աստծո տունն է, հավատացյալների հավաքականությունը, իր փրկարար առաքելությանը խաղաղության, եղբայրության ջատագովն ու ավետարանողը, Քրիստոսի հրաշափառ Հարության անրեղի քարոզիչը: Եկեղեցին հարուցյալ կյանքի հրավերն է մշտապես

բարձրաձայնում իր զավակներին զերծ պահելու համար հուսահատությունից, անիրավություններից ու անկուսակներից, զերծ պահելու հայրենական և ազգային անդատաբար կորստաբեր ճանապարհներից: Հարուցյալ կյանքը երբեք չի կարող լինել միայնացից օտարացմամբ ու բաժանումներով, քրիստոնեական արժեքների խեղմամբ, Եկեղեցու առաքելության նստացմամբ ու սահմանափակմամբ, ազգային շահերը խեղաթյուրելով, արդարությունն ու ճշմարտությունը աղճատելով: Մինչև չմերժենք չար գործերն ու կորստաբեր քայլերը, չենք կարող հաստատել զարթոնք ու ծաղկում, առաջադիմություն ու բարօրություն անձնական ու հասարակական կյանքում և կերտել մեր ժողովրդի հարատևության անխորտակելի հեռանկարները:

Արդ, սիրելիներ, Հայրապետական Մեր պատգամն է՝ նախընտրենք բարին ընդդեմ չարիքի, հաշտությունն ընդդեմ խառնակության, ազնվությունն ու ուղղամտությունը՝ ընդդեմ կեղծիքների ու խարդախանքների, փոխադարձ հարգանքն ու գորակցությունը՝ ընդդեմ անպատվության ու նենգադավության: Առաջնորդվենք վնասակար ու կործանարար երևույթները բացառելու հանձնարությամբ, մեր պարտություններից ոտքի կանգնելու հաստատականությամբ և նախնայաց ժառանգությունը անաղարտ պահպանելու նախանձախնդրությամբ: Գերադասենք սերը, համերաշխությունը, միասնությունը, որպեսզի համատեղ ջանքերով կարող լինենք վեր հանել մեզ պատուհասած նեղություններից ու դժվարություններից, ամրապնդել մեր պետականությունը և կերտել ազգի առաջընթացն ու բարգալխանումը: Միշտ հավատարիմ մնանք հարուցյալ մեր Տիրոջը, Որ «Իր անձր տվեց մեզ համար, որպեսզի մեզ փրկի ամեն անօրենությունից և մաքրի որպես Իրեն սեփական

ժողովուրդ՝ նախանձախնդիր բարի գործերի» (Տիմ. 2.14):

Սուրբ Հարության ուրախալի ավետիսով Միաձնաէջ Մայր Տաճարից եղբայրական Մեր ողջուններն ենք հղում Առաքելական մեր Սուրբ Եկեղեցու Նվիրակական Աթոռների Գահակալներին՝ Ն. Ս. Օ. Տ. Տ. Արամ Ա Մեծի Տանն Կիլիկիո Կաթողիկոսին, Երուսաղեմի Հայ Պատրիարք Ամենապատիվ Տ. Նուրհան արքեպիսկոպոս Մանուկյանին, Կոստանդնուպոլսի Հայոց Պատրիարք Ամենապատիվ Տ. Սահակ արքեպիսկոպոս Մաշալյանին, մեր Սուրբ Եկեղեցու ուխտապահ ողջ հոգևոր դասին: Մեր ողջունն ենք հղում ի Քրիստոս Մեր հոգևոր եղբայրներին՝ քույր Եկեղեցիների՝ Պետերին, և իրենց հավատավոր հոտին: Հայրապետական Մեր սերն ու օրհնությունը՝ ազգային ու հոգևոր արժեքներին նախանձախնդիր մեր ժողովրդին: Հայրական Մեր գնահատանքը՝ ձեզ ամենքիդ, սիրելիներ, առ հայրենին և մեր Սուրբ Եկեղեցին համապագ դրսևորվող հավատարմության և ջերմ նվիրումի համար: Մենք ամեն օր զգացել և շարունակում ենք զգալ ձեր աղոթքի գործությունը: Չեզոք է շեն ու անսասան մեր Սուրբ Եկեղեցին, որին դարերի փորձություններն անգամ չեն խորտակել: Չեզոք է գործը, ամուր ու լուսավառ Մայր Աթոռ Սուրբ Էջմիածինը: Ծարունակեք ապրել աղոթքով, գործք ու արարեք առ հայրենին ու Մայր Եկեղեցին սիրով՝ ի նպաստ մեր երկրի շինության ու լուսավոր գալիքի:

Հոգեկորոզ այս օրը միասնաբար աղոթք բարձրացնենք առ հարուցյալ Աստվածորդին, որ Իր անբավ ողորմությամբ պարգևի խաղաղություն ու ապահովություն համայն աշխարհին և հայրենի մեր երկրին: Հայցենք, որ երկնային կենարար շնորհներով գորանա աշխարհապիտու մեր ժողովուրդը, ապրի հավատով ներշնչալի կյանքով, դժվարությունները հաղթահարելու խիզախ ու անկոտրում ոգով: Աղոթենք, որ համազգային մեր անդաստանում հաստատուն լինեն ճշմարտասիրությունը, արդարանորությունն ու միաբանությունը, որպեսզի բարի արգասիքներով, ազգաշահ ու հայրենուցուտ նորանոր ձեռքբերումներով կերտենք ապագայատեսիլ մեր ժողովրդի խղճերն ու ձգտումները՝ ի փառս Աստծո և ի հավետ պայծառություն ազգի և Առաքելական մեր Սուրբ Եկեղեցու: Աղոթենք նաև պատերազմի արհավիրքներից տառապող մեր եղբայրների ու քույրերի, ապօրինաբար ազատագրվածների, անհայտ կորածների ու նրանց ընտանիքների, այլև նեղությունների ու զրկանքների մեջ գտնվողների, ապաքինման կարոտ անձանց համար: Թող Աստծո ամենախնամ Աջը, սերը և օրհնությունները հովանի լինեն մեզ ամենքիս այսօր և միշտ և հավիտյանս. ամեն:

Քրիստոս յարեաւ ի մեռելոց, Օրհնեալ է յարութիւնն Քրիստոսի:



### Մայր Աթոռ Սուրբ Էջմիածնում նշվեց Սուրբ Հարություն տոնը

Ապրիլի 5-ին մեր Տեր և Փրկիչ Հիսուս Քրիստոսի Հրաշափառ Սուրբ Հարության տոնի առիթով համայն հայության հոգևոր կենտրոն Մայր Աթոռ Սուրբ Էջմիած-

նում Սուրբ և Աննահ Պատարագ մատուցեց Ն. Ս. Օ. Տ. Տ. Գարեգին Երկրորդ Ճայրագույն Պատրիարք և Ամենայն Հայոց Կաթողիկոսը: Մայր Տաճարի զանգերի ավետաբեր դո-

ղանջների ներքո Հայրապետական խաչվառազարդ թափորը Ամենայն Հայոց Կաթողիկոսին Վեհարանից ամպիովանիով առաջնորդեց դեպի Մայր Տաճար: Հայրապետական ամպիովանին այս տարի կրում էին Բ. Գ. Դ., պրոֆեսոր, «Իզմիրլյան» ԲԿ ուրուղիական բաժանմունքի վարիչ Արթուր Գրաբակյան, ի. Գ. Ք. Արա Ջոհրաբյանը, իրավաբան, միջազգային փորձագետ Արա Ղազարյանը և փաստաբան Երեմ Սարգսյանը:

Վեհափառ Հայրապետին որպես առընթերականեր սպասավորում էին Գերաշնորհ Տ. Նաթան արքեպիսկոպոս Հովհաննիսյանը և Գերաշնորհ Տ. Հայկազուն արքեպիսկոպոս Նաջարյանը:

Սուրբ Պատարագին ներկա էին Գերագույն հոգևոր խորհրդի անդամներ, Մայր Աթոռի բարերարներ, քաղաքական-հասարակական գործիչներ և բազում ուխտավոր հայորդիներ:

Արարողության ընթացքում Ամենայն Հայոց Կաթողիկոսը համայն հայությանը հղեց Հայրապետական իր պատգամը՝ փոխանցելով «Քրիստոս յարեալ ի մեռելոց» հրեշտակաձայն ավետիսը:



### Սուրբ Հարության ճրագալույցի Պատարագը Մայր Աթոռ Սուրբ Էջմիածնում

Ապրիլի 4-ին՝ Ավագ շաբաթ օրը՝ երեկոյան, մեր Տեր և Փրկիչ Հիսուս Քրիստոսի Հրաշափառ Սուրբ Հարության տոնի առիթով, Ն. Ս. Օ. Տ. Տ. Գարեգին Երկրորդ Ճայրագույն Պատրիարք և Ամենայն Հայոց Կաթողիկոսի հանդիսապետությամբ, Միածնաէջ Մայր Տաճարում մատուցվեց Սուրբ և Աննահ Պատարագ:

Պատարագին էր Մայր Աթոռի Արտաքին հարաբերությունների և արարողակարգի բաժնի տնօրեն Գերաշնորհ Տ. Նաթան արքեպիսկոպոս Հովհաննիսյանը: Մինչ Սուրբ Պատարագը կատարվեց ճաշու երրորդ ժամերգությունը, ապա կարդացվեցին սուրբգրային ընթերցվածքներ, որից հետո Մայր Աթոռի չորս միաբան սարկավագներ ընթերցեցին Դանիել մարգարեի թուղթը:

Սրբազան արարողությանը ներկա էին Գերագույն հոգևոր խորհրդի անդամներ, Մայր Աթոռի բարերարներ, քաղաքական-հասարակական գործիչներ և բազում ուխտավոր հայորդիներ:

Նաթան արքեպիսկոպոսը, իր քարոզում անդրադառնալով Տիրոջ Հարության խորհրդին, ընդգծեց. «Հարությունը վկայեց, որ մահը վերջը չէ, այլապես ինչպես պիտի արժևորվեր կյանքը: Քրիստոնեությունը հաստատեց, որ մարդուն կյանքի տարիները տրվում են ոչ թե վատնելու, այլ որպեսզի մարդն իր հավիտենական կյանքի ճանա-



պարիզ կերտի: ...Աստված իր Միածին Որդուն ուղարկեց աշխարհ ոչ թե դատելու, այլ փրկելու, ոչ թե պատժելու, այլ ճանապարհը ցույց տալու փրկության»:

Վերջում Պատարագից Սրբազանը, դիմելով ներկաներին, մաղթեց, որ Տիրոջ Հարության լույսը մշտապես հովանի լինի մեր ազգի աշխարհասփյուռ զավակներին և մեր հայրենիքին, որպեսզի Հարության շնչով ընթանանք հավիտենության ճանապարհով:

«Հիսուս Քրիստոսի Հարության ավետիսով մենք մեր աղոթքն ենք վերառաքում Հարուցյալ Փրկչին, որպեսզի մեզ բոլորիս տա հավատք և զորություն, և կարողանանք այս երկրի վրա կերտել այն դրախտը, որը կդառնա յուրաքանչյուրիս հավիտենական կյանքի ճանապարհը», - նշեց Նաթան արքեպիսկոպոսը:

Սուրբ Պատարագի ավարտին Ամենայն Հայոց Կաթողիկոսը բարձրացավ Սուրբ հորան և Սուրբ Սեղանի կանթեղից վառեց Տեր Հիսուս Քրիստոսին խորհրդանշող կենսատու մոմը, որը բաշխվեց հավատացյալներին:

Պատարագի սրբազան արարողությունից հետո Մայր Աթոռի միաբանությունը մեկտեղվեց Վեհարանում, ուր, նախագահությամբ Հայոց Հովակայեցի, կատարվեց Սուրբ Հարության Տնօրինեց:

### Ավագ Հինգշաբթին Մայր Աթոռ Սուրբ Էջմիածնում

Ապրիլի 2-ին՝ Ավագ Հինգշաբթի, Հայաստանյայց Առաքելական Սուրբ Եկեղեցին հիշատակեց մեր Տեր և Փրկիչ Հիսուս Քրիստոսի Վերջին ընթրիքը և Սուրբ Հաղորդության խորհուրդի հաստատումը: Այս առիթով առավոտյան Մայր Տաճարում կատարվեց Ապաշխարողաց կարգ, այնուհետև՝ Միջօրեի ժամերգություն:

Ժամերգության ավարտին Միածնաէջ Տաճարում, ձեռնաբ Մայր Աթոռի փոխլուսարարապետ Հոգեշնորհ Տ. Դավիթ արքեպիսկոպոս Սեդրազկունի Սուրբ և Աննահ Պատարագ ի հիշատակ Վերջին ընթրիքի ժամանակ մեր Տեր Հիսուս Քրիստոսի կողմից Սուրբ Հաղորդության խորհրդի հաստատում:

Սուրբ Պատարագի ընթացքում ընթերցվեց նաև Սուրբ Բարսեղ Կեսարացու «Սուրբ Հաղորդության մասին» ճառը:

### Մայր Աթոռում կատարվեց Ոսնկվայի կարգը

Ապրիլի 2-ին՝ Ավագ Հինգշաբթի, Ն. Ս. Օ. Տ. Տ. Գարեգին Երկրորդ Ճայրագույն Պատրիարք և Ամենայն Հայոց Կաթողիկոսի հանդիսապետությամբ, Միածնաէջ Մայր Տաճարում կատարվեց Ոսնկվայի կարգը:

Սրբազան արարողության ընթացքում՝ սուրբգրային ընթերցումներից հետո, Ամենայն Հայոց Կաթողիկոսն օրհնեց խորանի վրա դրված ջուրն ու յուղը:

Ապա, շարականների երգեցողության ներքո, Նորին Սրբությունը Աստվածորդու օրհնակով ծնրադիր լվաց և յուղով օծեց Մայր Աթոռի միաբաններ՝ Տ. Հայկազուն արքեպիսկոպոս Նաջարյանի, Տ. Հովհաննես արքեպիսկոպոս Մաշտոց արքեպիսկոպոս Մխիթարյանի, Արամայիս սարկավագ Ազիզյանի, Սերգեյ սարկավագ Բարսեղյանի, Սևանի Վազգենյան հոգևոր դպրանոցի Ե լսարանի սան Ալեն ուրարակիր Իսրայելյանի և Ա լսարանի սան Աբրահամ Հովհաննիսյանի, «Եօրնեկյան» հանրակրթական դպրոցի աշակերտներ Արտաշես Ղազարյանի, Կամսար Մարտիրոսյանի, ինչպես նաև Հայաստանի և սփյուռքի տարբեր համայնքներից հայորդիներ Վահագն Սահակյանի, Մոնթե-Լևոն և Սերոբ-Իշխան Եգիներյանների, Նարեկ Ղևոնդյանի,



Դավիթ Մարտիրոսյանի, Ստեփան Սկրտչյանի, Նարեկ Տերտեղյանի, Սարգիս Քոչարյանի և Լևոն Շարոյանի ուղերթը: Արարողության ավարտին Ամենայն Հայոց

Հայրապետը «Պահպանիչ» աղոթքով օրհնեց ներկա բարեպաշտ ժողովրդին, որից հետո օրհնված յուղը բաժանվեց հավատացյալներին:



### Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի շնորհավորական ուղերձը Ավետման տոնի առիթով

Սուրբ Ավետման տոնի առիթով Հայրապետական Սեր օրհնությունն ու շնորհավորանքն ենք բերում բարեկաշտ մեր ժողովրդին ի հայրենիս և ի սփյուռս:

Հոգևպարար այս տոնը հոշակված է որպես օրհնության օր մայրության բերկրանքին սպասող կանանց: Եկեղեցիներում, հավարտ Սուրբ Պատարագի, աղոթական մաղթանք է կատարվում, և օրհնություն են ստանում ապագա մայրերը՝ հայցով, որ Աստված նրանց պարզևի սիրտատ, առողջ ու երջանիկ կյանք և բարի ու արժանավոր զավակներ:

Սուրբ Աստվածամոր հավատավոր ու առաքինի կերպարը դարեր շարունակ ներշնչանք աղբյուր է եղել մայրերի համար: Սուրբ Տիրամոր յուսալից օրհնակով հայ կանայք դժվարին ժամանակներում Աստծո կամքին անվերապահ հնազանդությամբ հաղթահարել են ծառայած փորձությունները, ամուր ու անասան պահել հավատն ու սերը առ Քրիստոս և սարել առ ազգն ու հայրենին անխախտ նվիրումով:

Աղոթում ենք, որ Ամենակալ Տերը Սուրբ Աստվածամոր բարեխոսության օրհնի մայրության բերկրանքին սպասող կանանց և շնորհի բարեհաջող որդեկություն:

Թող Բարձրյալն Աստված խաղաղություն պարզևի համայն աշխարհին, սպասողության ու բարոյության մեջ պահպանի մեր հայրենիքն ու աշխարհասփյուռ մեր ողջ ժողովրդին: «Թող հույսի Աստվածը լիացնի ձեզ ամենայն ուրախությամբ և խաղաղությամբ» (Հռմ. 15.13). ամեն:

### Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի ուղերձը Սփյուռքի գորաշարժի համաժողովի առիթով

Համաժողովի հարգարժան մասնակիցներ, Համայն հայության հոգևոր կենտրոն Աստվածակառույց Սայր Աթոռ Սուրբ Էջմիածնից Հայրապետական Սեր օրհնությունն ենք հղում Սփյուռքի գորաշարժի համաժողովի մասնակիցներին: Ողջունում ենք կարևոր այս նախաձեռնությունը, որը կոչված է քննարկելու մեր ազգի առջև ծառայած ծանր ու դժվարին հիմնախնդիրները, հստակեցնելու դրանց դիմագրավման ուղիներն ու մեր համագային առաջնահերթությունները, վերարժևորելու Հայաստան-Սփյուռք հարաբերությունները:

Այսօր մեր ժողովուրդը կանգնած է արտաքին և ներքին մարտահրավերների առջև: Խոր մտահոգություն են առաջ բերում մեր ազգային կյանքում պաշտակալությունը, աստերության սերմանումը, ազգային կառույցների թիրախավորումը, Հայաստան-Սփյուռք հարաբերությունների հայթաղված վիճակը: Եկեղեցու, հայկական բոլոր կազմակերպությունների նպատակը նույնն է՝ համախմբել ազգային ներուժը, անվտանգ ու սպասելի դարձնել համայն հայության հայրենիքը, բարվոքել Հայաստան-Սփյուռք գործակցությունը, անխաթար պահպանել ազգային ինքնությունը:

Համաժողովին մասնակից ավանդական կազմակերպությունները, ազգային միություններն ու գործիչները, որոնք ներկայացնում են հայության տարբեր հատվածներ, մեր Սուրբ Եկեղեցու օրհնության ներքո անժխտելի ներդրում են ունեցել հայոց անկախ պետականության վերականգնման և Սփյուռքի կենտրոնակայության պահպանման նվիրական գործում: Անբեկանելի ճշմարտություն է, որ հայության և հայկականության հարատևության երաշխիքը լեզուն, հավատքը, ազգային դպրոցն է, հայրենի անկախ ու ինքնիշխան պետությունը, որի հատուկ հոգաձության և ուշադրության ներքո պիտի գտնվեն նաև Սփյուռքը և Սփյուռքի առաջնային կարիքները: Եվ, հետևաբար, Հայոց պետության պահպանությունն ու գորացումը այսօր էլ աշխարհասփյուռ մեր ժողովրդի առաջնային հանձնառությունն են: Հարկ է հոգ տանել նաև, որ յուրաքանչյուր հայ, չորվելով օտար գաղափարների և ազդեցությունների, շարունակի իր ողջ էությունը ու հոգով, դավանած արժեքներով կապված մնալ իր ազգին ու հայրենիքին և իր կարողություններն ու շնորհները ի սպաս դնի մեր ժողովրդի և հարազատ երկրի առաջընթացին:

Պատմական տարբեր հանգամանքների բերումով աշխարհի տարբեր երկրներում ձևավորված Սփյուռքի համայնքների կազմակերպվածությունը պետք է միասնական ուժի և գորտության վերածննք՝ հանուն ազգի ու հայրենիքի շահերի պաշտպանության: Հիրավի, տկար կլինի հայրենիքը՝ առանց Սփյուռքի գորակցության ու նվիրումի, թույլ ու խոցելի կլինի Սփյուռքը՝ առանց հզոր ու պայծառ Հայոց պետության: Միմիայն Հայաստան-Սփյուռք փոխադարձ աջակցությամբ է հնարավոր հաստատուն ու բարօր պահել մեր ժողովրդի կյանքը՝ հիմնված նախկին սրբազան ժառանգության և միևնույն արժեհամակարգի վրա:

Այս առումով, սիրելիներ, կարևոր առաքելություն ունեն Հայաստանյայց Առաքելական Սուրբ Եկեղեցին, ազգային մեր կառույցներն ու հաստատությունները, որպեսզի երբեք չսկսարանա ու չխամրի աշխարհասփյուռ հայրության ազգային-հոգևոր ինքնությունը և անասան մնա Հայոց պետությունը: Անհրաժեշտ է վերախնամակարգել ազգային կյանքի մերօրյա ընթացքները և համախոտության մեջ գործուն միջոցներ ձեռնարկել՝ կանգնելու հայրենավնաս, ազգակործան երևույթները: Այսպիսի համաժողովներն ու խորհրդակցությունները կարևոր քայլ են վերտիջալ հիմնախնդիրների հաղթահարման և լուծման ճանապարհին:

Չատկական այս օրերին Հայրապետիս աղոթքն է, որ Բարձրյալն Աստված իմաստություն շնորհի պետությունների դեկլարներին՝ խաղաղությունը վերահաստատելու աշխարհում և մարդկության կյանքում: Թող Փրկիչ մեր Տերը սպասով ու անվտանգ պահպանի հայրենի մեր երկիրը և Բր Սուրբ Հարության լույսով պայծառացնի համայն մեր ժողովրդին՝ անշեղորեն ընթանալու աստվածահանձ, բարեբեր ուղիներով և տերունավանդ հավատով կերտելու հայոց նորոգյալ կյանքն ու յուսավոր գալիքը:

Սեր գնահատանքն ենք բերում համաժողովի աշխատանքների կազմակերպիչներին ու բոլոր մասնակիցներին և մաղթում արդյունավոր ընթացք:

Օրհնությամբ՝  
ԳԱՐԵԳԻՆ Բ  
ԿԱԹՈՂԻԿՈՍ ԱՍՏՆԱՅՆ ՀԱՅՈՑ  
Փարիզ, ապրիլի 11-12, 2026 թ.

### Ամենայն Հայոց Կաթողիկոսն ընդունեց «Ռենովարիա» բարեգործական կազմակերպության գլխավոր գործադիր տնօրենի առաջնորդած պատվիրակությանը

Ապրիլի 8-ին Ն. Ս. Օ. Տ. Տ. Գարեգին Երկրորդ Ճայրագույն Պատրիարք և Ամենայն Հայոց Կաթողիկոսը Սայր Աթոռ Սուրբ Էջմիածնում ընդունեց «Ռենովարիա» բարեգործական կազմակերպության գլխավոր գործադիր տնօրեն ղոկտոր Յայր Թոմաս Շվարցի առաջնորդած պատվիրակությանը, որի կազմում ընդգրկված էին եվրոպական տարբեր լրատվամիջոցների ներկայացուցիչներ:

Հանդիպմանը Յայր Թոմաս Շվարցը Նորին Սրբությանը ներկայացրեց պատվիրակության անդամներին՝ ընդգծելով, որ վերջիններս Յայրաստան են ժամանել՝ տեղում ծանոթանալու երկրում առկա իրավիճակին և եկեղեցական ու հասարակական կյանքի ներկա իրողություններին:

Վեհափառ Յայրապետը, ողջունելով հյուրերի այցը Յայրաստան և Սայր Աթոռ Սուրբ

Էջմիածին, անդրադարձավ Հայոց եկեղեցու՝ հայ ժողովրդի կյանքում կարևոր դերակատարությանը, արձանագրեց, որ պատմության անենադժվար պահերին եկեղեցին իր հոգեխնամ և ազգապահպան առաքելությամբ առաջնորդել է ազգին՝ հավատով և հույսով դիմագրավելու բոլոր մարտահրավերներին: Նորին Սրբությունն իր խոսքում անդրադարձ կատարեց նաև Յայրաստանում և տարածաշրջանում առկա մարտահրավերներին ու զարգացումներին:

Վերջում Ամենայն Հայոց Յայրապետը պատասխանեց հյուրերի հարցերին, որոնք առնչվում էին եկեղեցի-պետություն հարաբերություններին, Յայրաստանյայց Առաքելական և քույր եկեղեցիների փոխհարաբերություններին, ինչպես նաև տեղահամակարգի իրականացմանը սոցիալական ծրագրերին:



### Հայտարարություն

Սայր Աթոռ Սուրբ Էջմիածնի խստորեն դատապարտում է «Քաղաքացիական պայմանագիր» կուսակցության մախընտրական ծրագրում Յայրաստանյայց Առաքելական Սուրբ Եկեղեցու վերաբերյալ մերժելի դրոյթների ընդգրկումը:

Կուսակցության մախընտրական ծրագրում եկեղեցու բարեմորոգման, կանոնադրության վերանայման, Ամենայն Հայոց Կաթողիկոսի հեռացման և կաթողիկոսական նոր ընտրությունների անցկացման պարտադրվող օրակարգի ամրագրումը սահմանադրական կարգի, եկեղեցու ինքնակառավարման իրավունքի, ինչպես նաև խղճի ու կրոնի ազատության միջազգային հիմնարար սկզբունքների բացահայտ ոտնահարում է:

Եկեղեցու դեմ ակնհայտ ապօրինի գործողությունները շարունակելու մախընտրական խոստումներով ևս մեկ անգամ դրսևորվում են իշխող քաղաքական ուժի գաղափարախոսության

հակաեկեղեցական ողջ էությունը և նպատակը: Յայրաստանյայց Առաքելական Սուրբ Եկեղեցու հազարամյա առաքելությունը, նրա սրբազան ավանդույթներն ու հոգևոր կյանքը չպետք է քաղաքական շահարկումների առարկա դառնան: Ինչպես քանիցս Սայր Աթոռը հաստատել է, կաթողիկոսի ընտրությունը և եկեղեցական անդաստանում որևէ բարեկարգում բացառապես հոգևոր կանոնական տիրույթում են, ուստի և դուրս են քաղաքական կուսակցությունների և պետական իշխանությունների իրավասություններից:

Որդեգրված օրինախախտ գործելածն ազգավնաս է և բացարձակ անթույլատրելի: Այն հակասում է մեր աշխարհասփյուռ ժողովրդի շահերին, վտանգում ազգային արժեհամակարգի հիմերը և խաթարում հոգևոր անվտանգությունը:

9.04.2026

### Հայտարարություն

ՀՀ վարչապետի՝ 2026 թ. մարտի 27-ի որոշմամբ Արման Սարոյանը (նախկին Գևորգ Եպիսկոպոսը) նշանակվել է «Ներման հարցերի քննարկման խորհրդակցական հանձնաժողովի» անդամ՝ որպես Յայրաստանյայց Առաքելական Սուրբ Եկեղեցու ներկայացուցիչ:

Սույն նշանակումը, որը կատարված է առանց Հայ Առաքելական Եկեղեցու համաձայնության, անընդունելի է ու անօրինական, ինչպես նաև խախտում է ՀՀ օրենսդրությունը:

Պետական կամ որևէ այլ կառույցում Յայրաստանյայց Առաքելական Սուրբ Եկեղեցու ներկայացուցիչ կարող է նշանակվել միայն Սայր Աթոռ Սուրբ Էջմիածնի և Ամենայն Հայոց Կաթողիկոսի օրհնությամբ ու արտոնությամբ: Իսկ կարգալուծ հռչակված Գևորգ Եպիսկոպոսը լիազորված չէ և չի կարող ներկայացնել Հայոց Եկեղեցին ոչ կանոնական, ոչ իրավական և ոչ էլ բարոյական տեսանկյունից:

Այս քայլը հերթական ոտնձգություն է Հայոց Եկեղեցու ինքնավարության և Ամենայն Հայոց Կաթողիկոսի կանոնական իրավասությունների նկատմամբ:

Հարկ է, որ պաշտոնական փաստաթղթից՝ ՀՀ վարչապետի որոշումից, վերացվի նշյալ կեղծ տեղեկությունը:

13.04.2026 թ.

### Ամենայն Հայոց Կաթողիկոսն իր օրհնությունը բաշխեց ուխտավոր եկեղեցասեր երիտասարդներին

Ապրիլի 12-ին Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսը Մայր Աթոռ Սուրբ Էջմիածնում ընդունեց Հայաստանի տարբեր թեմերից ուխտավորաբար Մայր Աթոռ Սուրբ Էջմիածին ժամանած շուրջ 650 եկեղեցասեր երիտասարդների՝ առաջնորդությամբ իրենց հոգևոր հովիվների:

Հանդիպումն սկսվեց Տերունական աղոթքով և Հայրապետական մաղթերով: Ապա ՀԵՅԵՄ հոգևոր տեսուչ և Կենտրոնական գրասենյակի տնօրեն Հոգեշնորհ Տ. Թովմա վարդապետը հաջատրյանը Նորին Սրբությանը ներկայացրեց ուխտավոր հայորդիներին՝ նշելով, որ երիտասարդները Սուրբ Հարության տոնի խորհրդով այցելել են Մայր Աթոռ Սուրբ Էջմիածին՝ մասնակցելու Սուրբ Պատարագին և ստանալու Ամենայն Հայոց Կաթողիկոսի հայրական օրհնությունը:

Քահանա հայրերի անունից ողջույնի և երախտի խոսքով հանդես եկավ Արժանապատիվ Տ. Մակար քահանա Գալանդարյանը (Շիրակի թեմ): Իր խոսքում Տեր Հայրն ընդգծեց, որ երիտասարդների ցանկությանը ընդառաջ՝ երիտասարդաց միությունների պատասխանատու քահանա հայրերը կազմակերպել են այս ուխտագնացությունը՝ դեպի Մայր Աթոռ իրենց նորոգելու, հավատքի մեջ զորանալու և Սուրբ Էջմիածնի օրհնությամբ շարունակելու իրենց կյանքը իբրև Մայր Եկեղեցու հավատարիմ զավակներ:

Երիտասարդների անունից սրտի խոսք ասացին Շիրակի թեմից՝ երեցկին Գոհարիկ Գալստապյանը, Արագածոտնի թեմից՝ Նահիրա Դավթյանը, Սյունյաց թեմից՝ Մարիա Աթանեսյանը, Մասյացոտնի թեմից՝ Մանե Մնացականյանը, Գուգարաց թեմից՝ Սարգիս Գալստյանը:

Ապա ներկայանալով հայրապետական իր պատգամն ու օրհնությունը բերեց Ամենայն Հայոց Կաթողիկոսը:

«Սիրելի զավակներ Մեր, Ողջունում ենք ձեզ Մայր Աթոռ Սուրբ Էջմիածնում և բերում ամենթիղ Հայրապետական Մեր սերն ու օրհնությունը: Ուրախ է Մեր հոգին, որ Ձատկական այս հոգեմորոգ օրերին դուք համախմբվել եք Մայր Աթոռ Սուրբ Էջմիածնում՝ դրսևորելով ձեր որդիակցական սերն ու նվիրումը առ Հայոց Եկեղեցին:

Առաքելական ժամանակներից ի վեր մեր Սուրբ Եկեղեցին լուսավոր փարոս է մեր ժողովրդի կյանքում՝ իր զավակներին հաստատելով հավատի և հույսի մեջ և առաջնորդելով դեպի Աստված, դեպի բարին ու ճշմարիտը: Հայոց Եկեղեցին մեր ժողովրդի հոգևոր տունն է, որտեղ յուրաքանչյուր հա-



յորդի գտնում է սեր, խնամք ու հոգատարություն և զորանում երկնառաք շնորհներով ու օրհնություններով: Ով ցանկանում է ճանաչել հայ ժողովրդի հոգին, հայացքը պիտի ուղղի Հայոց Եկեղեցուն: Մեր Եկեղեցին ուժ է տվել իր զավակների՝ ապրելու և արարելու ձգտումներին և խաղաղության ու արդարության իղձերին: Մեր Եկեղեցին գործություն է պարզել ազգ ու հայրենիք սիրելու և հավատարիմ իր առաքելությանը՝ պահպանել ու հարստացրել է մեր հոգևոր ու մշակութային ժառանգությունը, հետամուտ եղել մոր սերնդի հայեցի դաստիարակությանը: Տերունական քրիստոնեական արժեքներով մեր Եկեղեցին աշխարհապիտու հայության համար դարձել է միասնության հիմնասյուն՝ առաջնորդելով իր հոտը թե՛ խաղաղ օրերին և թե՛ փորձությունների ժամանակ:

Իր այս առաքելության ճանապարհին Առաքելական մեր Սուրբ Եկեղեցու առջև հաճախ հարուցվել են տարատեսակ խոչընդոտներ ու դժվարություններ: Այսօր էլ ունենք անցանկալի մի իրավիճակ, երբ հայրենի մեր երկրում Եկեղեցին թիրախավորված է իշխանության ներկայացուցիչների կողմից: Վերջին մեկ տարում ակնհայտ ենք անմասնադեպ ճնշումների՝ եպիսկոպոսների անօրինական ձերբակալությունների, հոգևոր սպասավորության իրականացման ուղղված արհեստական խոչընդոտների, մեր հնամենի վանքերի ու եկեղեցիների բռնազավթման փորձերի: Իշխանությունների ակնհայտ հովանավորությամբ Մասյացոտ-

նի թեմի առաջնորդի պաշտոնից ազատված և կարգալույծ հռչակված անձը շարունակում է զավթված պահել առաջնորդարանը և դատարանի ու հարկադիր կատարումն ապահովող ծառայության ապօրինի որոշումներով՝ աշխարհիկ կարգավիճակով գործել որպես թեմակալ առաջնորդ: Օրերս նաև հերթական հակասահմանադրական քայլին ակնատես եղանք, երբ իշխող քաղաքական ուժն իր նախընտրական ծրագրում ներառեց Հայ Եկեղեցուն վերաբերող մերժելի դրույթներ: Այս ամենը, չնայած քաջատեսության եք, ուղեկցվում է շինծու մեղադրանքներով, անհանդուրժողականության հրահրմամբ, բացահայտ սպառնալիքներով:

Պատմությունը, սակայն, վկայում է, որ առ Աստված ապավինությամբ մեր Եկեղեցին միշտ հաղթահարել է բոլոր փորձությունները: Այսօր էլ Հայ Եկեղեցին մնում է մեր ազգային վերելքի նախանձախնդիր սպասավորը, մեր երկրի զորացման, հասարակական համերաշխության ամրապնդման ջատագույր և շարունակելու է պաշտպանել մեր ազգային իրավունքները, իղձերն ու նպատակները:

Սիրելիներ, մեր Սուրբ Եկեղեցու առաքելության արդյունավորման գործում կարևոր առաջնահերթություններից է ձեր՝ երիտասարդ սերնդի ակտիվ ներգրավումը եկեղեցական կյանքում: Այս նպատակով մեր Եկեղեցիների շուրջ ստեղծված երիտասարդական միությունները հետևողականորեն իրականացնում են տարբեր ծրագրեր ու նախաձեռնություններ, որոնք նպատակ ունեն

ամրապնդելու և խորացնելու մոր սերնդի կապը մեր Մայր Եկեղեցու հետ: Դուք և ձեր հասակակիցներն եք մեր հայրենիքի զորացման, մեր Սուրբ Եկեղեցու պայծառության և մեր ժողովրդի լուսավոր ապագայի երաշխավորը: Ամուր պահեք կապվածությունը Հայ Առաքելական Սուրբ Եկեղեցուն և ընդունեցե՛ք դարերով սրբազործված նրա ավանդները՝ իբրև ուղեցույց ձեզ համար, որպեսզի լինեք ինքնուրույն, արժանավոր և ուժեղ անհատներ: Սիրեք Հայրենիք, մեր Սուրբ Եկեղեցին, եղեք բարեպաշտ հավատացյալներ ու օրինահարգ քաղաքացիներ:

Հայրապետական Մեր սերն ու օրհնությունն ենք բերում ձեզ՝ ձեր ջերմ հավատքի և եկեղեցամիտության համար: Մաղթում ենք ձեզ ամենայն բարին և հայցում, որ Բարձրյալն Աստված օրհնի ձեր ընթացքը, պարզև անասան և անսպառ հավատք, հույս ու սեր և զորացնի ձեզ բոլոր բարի ձեռնարկներում:

Մեր բարձր գնահատանքն ենք բերում՝ Մայր Աթոռ Սուրբ Էջմիածին այս ուխտագնացությունը կազմակերպելու համար, Հայ Եկեղեցու երիտասարդական կազմակերպությանց կենտրոնական գրասենյակի տնօրեն հոգեշնորհ Տ. Թովմա վարդապետ հաջատրյանին, թեմերի երիտասարդաց միությունների պատասխանատու քահանա հայրերին, վարչական խորհուրդների անդամներին ու ատենապետներին: Հայրական մեր պատգամն է ձեզ, որ նույն նախանձախնդրությամբ շարունակեք ներդնել ձեր ջանքերը՝ նորանոր նախաձեռնություններով առավել կենսունակ ու աշխույժ դարձնելու երիտասարդաց միությունների գործունեությունը՝ ի զորացումն Հայրենի մեր երկրի, ի պայծառություն մեր Սուրբ Եկեղեցու և ի բարօրություն քրիստոսասեր մեր ժողովրդի:

Թող Տիրոջ շնորհները, սերն ու խաղաղությունը մշտապես ուղեկից լինեն ազգիս հայոց ի Հայրենիս և ի Սփյուռս. ամեն:

Օրհնության խոսքից հետո Ամենայն Հայոց Կաթողիկոսը պատասխանեց նաև երիտասարդների հարցերին, որոնք առնչվում էին Հայ Եկեղեցու երիտասարդական ծրագրերին, հովվական գործունեությանը և եկեղեցու առաքելության ի նպաստ երիտասարդների ներգրավվածությանը:

Հանդիպումը եզրափակվեց «Պահպանիչ» աղոթքով, որից հետո երիտասարդները Միածնաէջ Մայր Տաճարում մասնակցեցին Սուրբ և Ամենա Պատարագին:

**Լրատվական նյութերը՝ Մայր Աթոռ Սուրբ Էջմիածնի տեղեկատվական համակարգի**

## Ապաշխարության ճանապարհը

### Ա. Փոքր պատուհասով Աստված կանխում է գալիք մեծ չարիքը

Քրիստոսի առաքելությունն սկսվում է ապաշխարության կոչով, որը Նրա առաջին քարոզչությունն է Ավետարաններում. «Ապաշխարեցե՛ք, որովհետև երկնքի արքայութունը մտնեցել է» (Մատթ. 4:17): Մեր հոգևոր կյանքում հաճախ ենք լսում ապաշխարության կոչերը, քանի որ ապաշխարությամբ են սկսվում մեր սրտի մաքրագործումը, հոգևոր կյանքի ճամփորդությունը դեպի ներս ու դեպի արքայություն («Աստծու արքայութունը ներսում՝ ձեր մեջ է» (Ղուկ. 17:22)), ինչպես նաև աստվածատեսությունը: Ապաշխարությունը ողջ կյանքի տևողություն ունի, առանց որի՝ մենք անկարող ենք ընթանալ Ավետարանի կանչող փրկության նեղ ու անձուկ ճանապարհով:

Ապաշխարության վերաբերյալ է նաև Տիրոջ այս խոսքը. «Ես արդարներից կանչելու չեմ եկել, այլ՝ մեղաւորներից» (Մատթ. 9:13): Հասկանալի է, որ Քրիստոսի այս խոսքն ուղղված է նրանց, ովքեր իրենց մեղքերի համար զղջալու ունակություն և դրանց չվերադառնալու վճռակամություն ունեն: Իսկ «արդարի» բարոյությունը տառապում են նրանք, ովքեր ապաշխարության և զղջումի կարիք ու անհրաժեշտություն չեն զգում: Ըստ ամենայնի՝ դրանք ինքնահամայնվածներն ու հպարտության մեղքի բարոյություն բռնվածներն են, և այդ վիճակն ասելի է ու սողկանք է պատճառում Աստծուն: Ցավալիորեն, հոգեպետ

անբուժելի ու անամոքելի է դառնում «արդարի» այդպիսի կերտվածքը, քանի որ իսկապես բացակայում է սեփական անձի մեղավորության գիտակցությունը: Գիտակցություն ասելով՝ նկատի չունենք սեփական անձի մասին մեղավորության հանգանակներն ու զուտ կանոնավոր խոսքերը կամ ապաշխարության մասին անձև և ու անկերպարանք գիտելիքները, այլ Եկեղեցու կենդանի վարդապետությունն ու ապաշխարության փորձուհունը, և ո՛չ այնպես, ինչպես այն մենք ենք հասկանում, կամ մեզ է ձեռնառնում:

Ըստ Եկեղեցու վարդապետության՝ ապաշխարության փորձուհունն անտեսելն ու անկարևոր համարելն արդեն իսկ Եկեղեցու համդեպ անհնազանդության, հետևաբար՝ հպարտության դրսևորում են:

### Բ. Դրսից դեպի ներս

Քրիստոս ամեն օր սովորեցնում է մեզ՝ ասելով. «Ո՛հ, ասում եմ ձեզ, սակայն, եթե չապաշխարեք, ամենքդ էլ մոյմպես պիտի կորչեք» (Ղուկ. 13:3): Մի կողմից՝ մեր բոլոր տառապանքներն ու աղետները մեր մեղքերի հետևանքներն են: Օրինակներ ունենք Սուրբ Գրքից, ինչպես՝ ջրիեղեղը կամ կրակով ու ծծումբով կործանված Սոդոմն ու Գոմորը: Երկու դեպքում էլ կործանման պատճառը մեղքն է, իսկ անապաշխար մեղքի հետևանքը՝ Աստծո վերահաս պատիժը:

Հոգու զղջման գործընթացը միշտ ծածուկ խորհրդական ընթացք ունի, ապաշխարության և զղջման մեջ են խտացված Աստծո

բովանդակ պատվիրանները: Որքան խորն է մեղքի ու ապաշխարության գիտակցությունը, նույնքան մաքրվում են հոգին ու սիրտը: Ապաշխարությունը, զղջումը, արցունքները շնորհներ են, որ Աստված է տալիս և տալիս է նրանց, ովքեր դրանք փնտրում և անդադար խնդրում են Նրանից:

### Գ. Անզեղ մեղքը

Անզեղ մեղքը մարդուն Աստծուց օտարացնում է, և այն ոչ միայն Աստծո հանդեպ դավաճանություն է, այլև համաձայնություն, դաշինք և միություն՝ դիվական ուժերի հետ: Անզեղ մեղքը պարունակում է հատուցում և պատիժ: Այս իմաստով՝ սարսափելի ու ծանր են հավաքական անզեղ մեղքի հետևանքները, որոնք անպայման լինում են մեծ աղետներ ու հեղափոխություններ՝ բնական և ոչ բնական, որոնց միջոցով կործանվում են քաղաքակրթություններ, ազգեր, ընտանիքներ, մարդիկ:

Սակայն Ավետարանում Տերն զգուշացնում է. «Կարծում էք, թե այն զալիլիացիները, որոնք այդպիսի պատահարների ենթարկվեցին, ևս լի՞ մեղաւոր էին, քան բոլոր գալիլիացիները» (Ղուկ. 13:2): Եթե մենք ավետարանական այս ընթերցումն արտապատկերենք այսօրվա իրականության մեջ, ապա մեր ներկա նեղությունների օրինակով կարելի է խորապես ընկալել տերունական այս կոչը, հասկանալ նրա բովանդակ էությունը: Աստծո պատուհասն այժմ և վաղուց վրա է հասել մեր ազգին, և այս պարագայում դասեր քաղում ենք ոչ թե այլոց սխալներից

ու դրանց հետևանքներից, այլ սեփական մեղքերով վաստակած Աստծո պատժից ու մեր տառապանքի փորձից:

### Դ. Աստծո խրատը

Ստեղծված իրողության հենքի վրա, անշուշտ, եթե հոգևոր լրջությամբ ենք դիտարկում Աստծո՝ այս ցնցումներով ապաշխարության կոչի ահագնազը, հարկ է, որ քրիստոնյան ինքնաքննությանը հետևություններ անի, որոշումներ ընդունի ու վճիռներ կայացնի մեղքի, սրտի և հոգու արմատային փոփոխության և մոր արարած, մոր Աղան դառնալու առնչությամբ: Քանի որ, փաստորեն, այլ կերպ չի ստացվում մեր ուշադրությունը հպարտության, գոռոզության, նյութապաշտության և այլ անզեղ մեղքերից ազատելն ու կարևորի՝ հոգու հավիտենական փրկության, սրտի մաքրության և ներանձն լինելու վրա սևեռելը. «Եթե չապաշխարեք, ամենքդ էլ մոյմպես պիտի կորչեք» (Ղուկ. 13:3): Իսկ յուրաքանչյուր մեղքի զղջումն ու համարժեք հատուցումը քանդում են ամենքի, պատժի, պատուհասի և կախվածությունների շղթան:

Ուրեմն՝ եթե դասեր չենք քաղում այլոց ցավալի պատուհասներից, ապա գոնե մեր մեղքերի պատճառով մեզ հասած ողբերգությունների իրողությունն ընդունենք: Աստված ուզում է, որ մենք ականա մեղությունների գնով ու կական գրկանքների միջոցով դասեր յուրացնենք ու ամրագրենք՝ որպես 21-րդ դարի հայ քրիստոնյա: ➔ էջ 8

# Չատկական խորհուրդը Հին և Նոր ուխտերում

Նիսու Քրիստոսի Չարության տոնը համաքրիստոնեական մեծագույն տոն է: Այն մեղավոր մարդկության փրկության հույսն է, աստվածային հրաշք՝ հանուն մարդկության՝ ապրելու, հարատևելու, անմահանալու, չվերջանալու, չանհետանալու, չհոնքանալու հոչակումով: Մեծագույն այս տոնի հիշատակումը բացառիկ է, եզակի, բոլոր տոներից տարբերվող: Տիրոջ Չարության տոնախմբումը ոչ միայն պատմական հիշարժան ու փառահեղ այդ իրադարձության վկայակոչումն է, այլև դրա վավերական շարունակությունը այսօր և վաղը:

Չարության տոնը, որ կոչվում է նաև Չատիկ, հիրավի, շոշափում է աղանդորդու մեծագույն բաղձանքը՝ ապրելու բնական ցանկությունը: Իսկապես, եթե քննենք մեր մտքերը, խոսքերն ու գործերը, հայացք ուղեցնող դեպի մեր ներաշխարհը, կտեսնենք, որ այն ամենը, ինչ անում ենք, ունի մեկ նպատակ՝ ապրել: Մենք ցանկանում ենք սովել, որովհետև հակառակ դեպքում կիրվել ենք, կտկարանանք, կմահանանք: Մեզ հագուստ է անհրաժեշտ՝ կրկին նույն նպատակով: Մենք սիրում ենք գունար, նյութական ամեն տեսակի միջոցներ և հարմարություններ, որովհետև այդ ամենն ուղղակիորեն խթանում է մեր բարվոք կյանքը: Կենսական այս անհրաժեշտությունները (սնունդ, հագուստ, կացարան) բավարարելու կարողությունն ունենալուց հետո մարդկային բնությունն արդեն հարատևություն է որոնում աննյութեղեն՝ իր կերտած հոգևոր-մշակութային աշխարհի ծիրում: Նկարիչը ձգտում է մի պատկեր հեղինակել, որով իր անունը հիշատակելի կլինի բոլոր ժամանակների արվեստագետների շրջանում, երաժիշտը՝ մի համանվագ, քանդակագործը՝ որևէ եզակի կոթող, և այսպես շարունակ: Անմահության այս տեղով վառված են պատերազմի նետվում նաև ռազմատենչ զորավարներն ու աշխարհակալ տիրակալները: Յուրաքանչյուր ոք, ով ապրում է, ցանկանում է շարունակել ապրել կամ գոնե ապրեցնել իր անունն ու հիշատակը: Ահա այս ցանկությունը մարդահատուկ օրինակաբանությամբ կրկնվում է ամեն ծնվող անհատի հետ: Այս առումով Չարության խորհրդին պետք է նախ և առաջ մոտենալ մարդկային ներաշխարհի խորքային քննության դիրքերից:

Ծննդոց Գրքում վկայակոչված Աբրահամի ու Սառայի ցավն անժառանգությունն էր, և նրանց մորմոքը բխում էր անհիշատակ մահանալու մտածումից: Այնուհետև երբ Աստծու պատգամով Աբրահամն իր մինուծար որդուն՝ Իսահակին, տանում էր մահատակության ճանապարհով, նա սարսափում էր կրկին, որ իր որդուն մահվամբ կխզվի նաև իր հիշատակը: Նույնպես՝ երբ մեծ սովի տարիներին Չակոբի որդիները ճամփա էին ընկնում դեպի Եգիպտոս, նրանք հույս էին տածում, ապրեն և սնունդ գնելով, կանխել իրենց մեծ ազատահանի սպառնացող սովահանությունը: Սրանք երկու փոքրիկ օրինակներ են, որոնք փաստում են, որ մարդկանց ապրելու մեծ ցանկությունը լսելի եղավ Աստծուն, և օրհնության արժանացրեց:

Խոսելով Չատկից՝ հարկ ենք համարում անպայմանորեն անդրադառնալ առաջին՝ նախնական Չատկի պատմությանը, առանց որի իմացության հնարավոր չէ ընկալել այս խորհուրդը՝ իր բովանդակային ամբողջությամբ:

Վերոհիշյալ մեծ սովի տարիներին նախահայր Չակոբն իր ընդոծիններով տեղափոխվեց Եգիպտոս, հաստատվեց այնտեղ, և դարերի ընթացքում Եգիպտական թագավորությունում ձևավորվեց հրեական ազգային փոքրամասնություն: Չամաձայն Սուրբ Գրքի՝ հրեաները 430 տարի ապրեցին այնտեղ՝ մեծ մասամբ զբաղվելով աղյուսագործությամբ և չարքաշ գործերով: Ելից Գիրքը հստակորեն շեշտում է, որ հրեաները հալածվում էին Եգիպտոսում, տեղացիների կողմից ենթարկվում նվաստացումների: «Եգիպտացիները բռնություն էին ցուցնում նրանց ու դառնացնում էին նրանց կյանքը տաժանակիր աշխատանքով՝ կավագործությամբ, աղյուսաշինությամբ ու դաշտային զանազան գործերով: Բոլոր գործերում նրանց ծառայեցնում էին ստրկաբար» (Ելք 1:13-14): Այդ ժամանակ Եգիպտոսում իշխանության եկած նոր փարավոնն անբարյացակամ էր տրամադրված հրեաների նկատմամբ, քա-

նի որ կարծում էր, որ հրեաների աճող թիվը կարող է սպառնալիք դառնալ իրենց թագավորության համար, հրեաները կարող են երկրի թշնամիների հետ ներպետական դավադրություն նախաձեռնել: Փարավոնը հատուկ գործավարներ կարգեց, որ հրեաներին չարչարեն եղևտաններով: Նա անգամ չերկմտեց՝ դիմելու սարսափելի մի միջոցի՝ որ էր նորածին հրեաներին սպանելու: մանկաբարձներին ուղղված հրամանը:

Ծանրագույն այս պայմաններն այլևս անհնարին էին դարձնում հրեաների գոյությունը Եգիպտոսում: Եգիպտական կառավարությունն ուղղակի գոյաբանական ճգնաժամ էր հարուցել այս ցեղախմբի համար, և փրկության միակ լուծումը մնացել էր Եգիպտոսից գաղթելը: Տերը տեսավ հրեաների տառապանքը: Աստված ի վերջո վճիռ հայտնեց, որ կայացրել էր իր ընտրյալ ժողովրդի գոյության համար: Մի անգամ, երբ Մովսեսն իր աներոջ հուտերն էր արածեցնում անապատում՝ Աստծո Քորեբ լեռան մոտ, Տերը կրակի բոցով մորենու միջից երևաց նրան, հայտնեց իր Սուրբ անունը և ասաց. «Ես իսկապես տեսա իմ ժողովրդի չարչարանքը Եգիպտոսում և լսեցի նրանց աղաղակը իրենց գործավարների պատճառով, գիտեմ նրանց վշտերը և իջա՛ փրկելու նրանց Եգիպտացիների ձեռքից, հանելու նրանց այն երկրից ու տանելու բարի ու ընդարձակ մի երկիր, որ կաթ ու մեղր է բխեցնում...» (Ելք 3:7-8):

Աստված լսեց արդարության քաղցն ու ծարավն ունեցող, ողորմություն աղերսող, խաղաղություն տենչացող և սգավոր իր ժողովրդի ձայնը, հագեցրեց, ողորմեց ու իր մխիթարությունը բերեց նրան:


Մովսեսի առաջնորդությամբ, սակայն, հրեա ժողովրդի համար դեռ անպատմելի չարչարանքներ էին առջևում պահված. ազատության համար մեծ գին էր պետք վճարել:

Չամաձայն Տիրոջ պատվերի՝ Մովսեսն ու իր եղբայր Ահարոնը ներկայացան փարավոնին և պահանջեցին ազատ կացուցել Աստծո ժողովրդին, որպեսզի վերջիններս գնան անապատ՝ Տիրոջը զոհ մատուցելու: Փարավոնի առջև, բնականաբար, Ահարոնն ու Մովսեսը չէին կարող ուղղակիորեն ասել, որ հրեաները պատրաստվում են անվերադարձ լքելու երկիրը: Այդ դեպքում էլքը բացառված կլիներ: Ահա թե ինչու էին նրանք խորամանկում՝ մշտելով, թե պարզապես պատրաստվում են ժողովրդին առաջնորդելու անապատ՝ Արարչի համար զոհաբերություն կատարելու:

Եգիպտական իշխանությունը, ինչպես սպասելի էր, չընդառաջեց Մովսեսին և Ահարոնին և չարտոնեց իրականացնել նրանց պահանջը: Աստված մեծամեծ տասը հարված հասցրեց ամբողջ Եգիպտոսին՝ փարավոնից մինչև դաշտում աշխատող հողագործը, այն աստիճանի, որ ի վերջո փարավոնը թուլատրեց հրեաներին հեռանալ:

Այսպիսով՝ հրեաների ավելի քան չորսհարյուրամյա պանդխտությունն ավարտվեց, Աստված նրանց առաջնորդեց դեպի Սինայի անապատ՝ փրկելով կործանումից ու ոչնչացումից: Սինյ հրեաները կլքեին Եգիպտոսը, Տերը խոսեց Ահարոնի և Մովսեսի հետ՝ ասելով. «Այս ամսի տասներորդ օրը ամեն մարդ թող մի գառ առնի իր ընտանիքի համար՝ ամեն մի տան համար մի գառ: Եթե մի տանը քիչ են, որ չեն կարող մեկ գառ ուտել, ապա թող կանչեն իրենց հարևանին կամ ընկերոջն այն հաշվով, որ բավարար լինեն գառի համար» (Ելք 12:3-4), «Առավոտյան դրանից ոչինչ թող չմնա: Եվ ոչխարի ոսկորները մի ջարդեք, ու ինչ որ ավելանա առավոտյան, կրակով կայրեք: Կուտեք այսպես. ձեր գոտիները թող ձեր մեջքին լինեն, ձեր կոշիկները՝ ձեր ոտքերին, ձեր ցուպերը՝ ձեր ձեռքին: Արագ կուտեք, որովհետև Տիրոջ զատիկն է» (Ելք 12:10-11):

Ահա այսպես է, որ հաստատվեց Չատիկը՝ որպես փրկության, ազատության տոն: Այն Աստծու կողմից հաստատվեց և ոչ թե մարդկանց: Աստված նաև պատվիրեց Չատիկը տոնել բոլոր ժամանակներում՝ բոլոր սերունդների օրոք՝ ասելով. «Այդ օրը ձեզ համար հիշատակի օր թող լինի, և դուք իբրև Տիրոջ տոն տոնեք այն սերունդներում, որպես հավիտենական օրենք տոնեք այն» (Ելք 12:14), «Եվ եթե պատահի, որ ձեր որդիները



Կարլ Քրիստոսի հարությունը, 1875 թ.

հարցնեն ձեզ, թե՛ «Ի՞նչ է այս ծեսը», նրանց կասեք, որ սա Տիրոջ համար զատիկ զոհն է, երբ Եգիպտոսում խնայեց Իսրայելի որդիների տները, մինչև հարվածում էր Եգիպտացիներին, և մեր տները փրկեց» (Ելք 12:26-27):

Չատիկը դարձավ հրեական ամենակարևոր տոնը: Այս տոնի վրա խարսխվեց Իսրայելի ժողովրդի հետագա ողջ պատմությունը: Սերունդները կրթվում և դաստիարակվում էին Տիրոջ հանդեպ երախտապարտության ոգով՝ հասկանալով, որ Աստված ազատեց իրենց նախնիներին մարմնական, բարոյական և, որ ամենակարևորն է, հոգևոր ստրկությունից, քանի որ ստրկության գերադասված վիճակը հոգեմտավոր շղթայվածությունն է, ճշմարիտ ու միակ Աստծուն պաշտելու անկարողությունը: Այս առումով Չատիկը՝ որպես ամենամյա տոն, պետք է դառնար հրեա ժողովրդի գաղափարական առանցքը՝ մշտապես սթափությամբ լցնելու հրեաների սրտերը, հիշեցնելու, թե ինչպես հնարավոր դարձավ նրանց ազգային գոյության շարունակականությունը: Այն պետք է դառնար հոգևոր ելակետ ողջ ժողովրդի համար՝ վերափնտառվելու իր անցյալը, քննելու ներկան և այդ լույսի ներքո հայացք ուղղելու գալիքին:

Ուշագրավ է, որ անապատում Աստված պատահեց իր ժողովրդին՝ իր շարքերում ապրող օտարերկրացիների հետ չվարվել անգթությամբ և չստորացնել նրանց: «Պանդուխտին մի՛ նեղեք, — ասաց Աստված, — դուք գիտեք պանդուխտ մարդկանց վիճակը, որովհետև դուք ևս պանդուխտ էիք Եգիպտացիների երկրում» (Ելք 23:9): Ասել է թե՛ դեռ Չին Կուսկարանում Աստված իր ժողովրդին պատվիրեց առաջնորդվել փոխադարձ վարվեցողության այն «Ոսկե Կանոն»-ով, որը հետագայում արդեն պետք է բառացիորեն ձևակերպվեր Չիսուս Քրիստոսի շուրթերով:

Կարևոր է նշել նաև, որ հետագայում, երբ հրեա ժողովրդը մեծ մարտահրավերների գնով ի վերջո ժառանգեց Տիրոջ շնորհած Ավետյաց երկիրը, ունեցավ կառավարիչներ և թագավորներ, պատահեց այնպես, որ շատ հաճախ կռապաշտ ու նեճ առաջնորդների պատճառով Չատիկ տոնը կատարելու անբեկանելի պատվիրանն ապօրինաբար խախտվեց, ժողովրդը որոշ տարիների չտոնախմբեց կարևորագույն այդ տոնը: Սակայն Ք. ա. 7-րդ դարում Չուդայում գահակալեց աստվածավախ ու բարեպաշտ Չովսիա արքան, որը վերանորոգեց հրեաների դաշինքն Աստծո հետ և իր թագավորության 18-րդ տարում՝ մոտավորապես Ք. ա. 622 թ., պատվիրեց իր ժողովրդին. «Կատարեք Տիրոջ՝ մեր Աստծու Չատիկը, ինչպես որ գրված է այս ուխտի մատյանում» (Դ Թագ. 23:21): Սուրբ Գիրքը նշում է, որ Իսրայելը ղեկավարող դատավորների օրերից սկսած Իսրայելի ու Չուդայի երկրի թագավորների օրոք մնան Չատիկ չէր եղել:

Նոր ուխտում արդեն զատկական խորհուրդը ամբողջապես վերափոխվեց բո-

վանդակորեն: Չովսիանեպի Ավետարանի 1-ին գլխում կարդում ենք, որ Չովսիանես Սկրտիչը, տեսնելով Չիսուսին, ազդարարում է. «Ահա Աստծու Գառը, որ վերացնում է աշխարհի մեղքը: Սա է Նա, որի մասին ասում էի, թե իմ հետևից է գալիս. Մարդ, որը ինձնից մեծ եղավ, որովհետև ինձնից առաջ էլ կար» (Չով. 1:29-30): Չիսուս՝ որպես Աստծու Կենդանի խոսք, գալիս է բացատրելու մարդկության ճշմարիտ խորհուրդը՝ որ է հոգևոր ազատությունը: Պատահական չէ, որ Աստված Օվսեե մարգարեի միջոցով հայտնել էր. «Եգիպտոսից մեծ կանչելու հմ Որդուն» (Օվսեե 11.1): Ամենկիս պատահական չէր նաև, որ Չերովդես թագավորի հետապնդումների ժամանակ Տիրոջ հրեշտակը երազի մեջ երևաց Մարիամի նշանած Չովսեփին և պատվիրեց վերցնել Մանկան ու Նրա մորը և հեռանալ Եգիպտոս: Աստված մեծ խորհուրդ էր սահմանել այս իրադարձություններում: Ինչպես Իսրայելը՝ որպես Աստծո առաջնեկ, գնաց Եգիպտոս, ապա դուրս եկավ այնտեղից՝ ի նշան ազատագրության, նույն կերպ և Չիսուս գնաց Եգիպտոս՝ կարծես անցնելով իր ժողովրդի անցած ճանապարհի հետագծով, և վերադարձավ Չրեստան՝ սակայն արդեն ազատագրելու: Ինչպես հրեաներն անապատում քառասուն տարի դեգերեցին, փորձությունների ու տանջանքների ենթարկվելով՝ հաղթահարեցին հոգևոր ստրկության կապանքները, նույնպես Չիսուս պետք է քառասուն օր փորձվեր անապատում՝ հաղթահարելու սատանայի փորձությունները:

Քրիստոս եկավ՝ հանգամանորեն բացատրելու հրեաներին և առհասարակ մարդկությանը, որ մարմնական կապանքներից վեր ավելի մեծ ստրկության տեսակ կա, որը մայրն է բոլոր տեսակի ստրկությունների: Այն հոգևոր ստրկությունն է: Չովսիանեսի Ավետարանի 8-րդ գլխում մի անչափ հետաքրքիր երկխոսություն է պահպանվել Չիսուսի և հրեաների միջև: Մի խումբ հրեաներ, տեսնելով Չիսուսի գործերն ու հրաշքերը, հավատացին Նրան, իսկ Տերն ասաց նրանց. «Եթե դուք իմ ուսուցմանը հավատարիմ մնաք, իմ ճշմարիտ աշակերտները կլինեք: Եվ կձանաչեք ճշմարտությունը, ու այն կազատի ձեզ» (Չով. 8:31-32): Չրեսաները հակադարձեցին Չիսուսին՝ հարցնելով. «Աբրահամի որդիներ ենք և երբեք ոչ ռքի չենք ծառայել ինչպես ես ասում, թե ազատ կլինեք» (Չով. 8:33): Չիսուս, սակայն, պատասխանեց. «Ճշմարիտ, ճշմարիտ են ասում ձեզ, թե ամեն ոք, որ մեղք է գործում, ծառայ է մեղքին» (Չով. 8:34): Այս փոքրիկ երկխոսությունը շատ կարևոր ուղերձներ է պարունակում՝ ճանաչողություն, ազատություն և ծառայականություն հասկացությունների հոգևոր բովանդակության վերաբերյալ: Չիսուս հրեաներին բացատրում է, որ թեպետ հարյուրավոր տարիներ առաջ Աստված ազատել է նրանց Եգիպտական ստրկությունից, իսկ հետագայում նաև՝ ասորաբաբելոնական տաժանակրությունից, այդուհանդերձ՝ որևէ մեկը և որևէ ազգ չեն կարող ճշմարտապես ազատագրված լինել, եթե չեն ճանաչում Ճշմարտությանը՝ Աստծուն, իր ճշմարիտ Ազատարարին: Այսինքն՝ ազատագրվածությունը ոչ թե ազգերից որևէ մեկին ընտրողաբար տրված շնորհ է, այլ ներքին, անձնական և ապա՝ ազգային-հավաքական ընտրության արդյունք: Ծառայել մեղքին նշանակում է ինքնակամ տրվել ստրկությանը, նշանակում է ազատությունը մերժել և սիրել շղթայվածությունը: Եվ վերջապես՝ ծառայել մեղքին, հոգևոր իմաստով, նշանակում է հետ շրջվել ու վերադառնալ ստրկության տուն՝ Եգիպտոս:

Միայն այս դիտանկյունից է բացատրելի Չիսուսի քարոզչությունը, միայն այս լույսի ներքո է Տիրոջ խաչելության սարսափելի իրադարձությունը պայծառություն ստանում: Բացարձակ այս համոզումով էր Չիսուսն անցնում ծովեզրերը և գյուղերով, անապատով ու ժողովարաններով: Այս ճշմարտության հանդեպ անասկարկ հավատն էր, որ հաչը բարձրացրեց աշխարհի Փրկչին, այսպես էր, որ Չիսուս բոլոր մեղքերի կողքին անմեղ մնաց: ➔ էջ 8

# Աստված ունի Բ ծրագիր

Սկզբը՝ թիվ 6

## Նիսնվեի օրինակը. Բ ծրագրից վերադարձ դեպի Ա

Շատ հաճախ մարդիկ կարծում են, թե սալթաքունից հետո Բ ծրագիրը վերջնական է և անդամնալի, սակայն Յոզվան մարգարեի պատմությունը ցույց է տալիս Աստծո ողորմության այլ կողմը: Աստված արդեն որոշել էր կործանել Նիսնվեն իր մեղքերի համար, որն էլ իրականացավ պարագայում կհամարվեի Ա ծրագրի՝ արդար դատաստանի գործարհում: «Եվ Աստված տեսավ նրանց գործերը, որ հետ դարձան իրենց չար ճանապարհներից. և Աստված զոջաց այն չարիքի համար, որ ասել էր, թե կանի նրանց, և չարեց» (Յոզվ. 9-10): Եթե հայ ազգն այսօր զգում է, որ սալթաքել է և դարձել Բ ծրագիր կամ նույնիսկ կանգնած է կործանման եզրին, ապա շխարհությունը կարող է շրջել պատմության ընթացքը: Նիսնվեն փրկվեց, որովհետև այնտեղ բոլորը ծոմ պահեցին ու զոջացին: Սա հույսի պատգամ է. աստվածային Բ ծրագիրը կարող է լինել ոչ թե մերժում, այլ դաստիարակչական հարված, որը պետք է մեզ հետ բերի մեր սկզբնական կոչմանը:

Սուրբ Գրքում կա մի հրաշալի դրվագ, երբ Իսրայելը լիովին մոռացել էր Աստծուն, տաճարը լքված էր, և Ա ծրագիրը մեռած էր թվում: Յոսիա թագավորը գտավ Օրենքի գիրքը և սարսափեց: Յոսիան չասաց՝ «Մենք արդեն ընտրյալ ենք, ինչ լինի՝ կլինի»: Նա պատռեց իր զգեստները և նորոգեց ուխտը. «Թագավորը կանգնեց այն մոտ և Տիրոջ առաջ ուխտ դրեց... որ հաստատի այդ Գրքում գրված ուխտի խոսքերը: Եվ ամբողջ ժողովուրդը հարեց ուխտին» (Դ Թագ. ԻԳ 3): Յայ ազգի համար Բ ծրագրից խոսափելու միակ ճանապարհը մեր «Օրենքի գիրքը» (մեր հոգևոր արմատները) նորից գտնելն է: Մենք չենք կարող մեր հոյսը դնել միայն մարդկաների հավատի վրա: Յուրաքանչյուր սերունդ պետք է իր սեփական ուխտը կնքի Աստծո հետ:

Չպետք է մոռանանք, որ մենք՝ յուրաքանչյուրս, Սուրբ Ձիթենից չենք, այլ Նրա վրա պատվաստված ճյուղեր, և առավելաբար չպետք է հպարտանանք: Յրեաները սալթաքեցին հպարտությունից՝ կարծելով, թե իրենք անձեռնմխելի Ա ծրագիրն են: Եթե հայ ազգը նույն սխալը գործի՝ կարծելով, թե 301 թվականի դարձը մեզ ապահովագրել է հավիտյան, կկրկնի նույն ճակատագիրը: Աստված կարող է կտրել պատվաստված ճյուղը և նորից պատվաստել բնականին կամ ստեղծել մի նոր Բ ծրագիր:

## Արարչություն և վերարարչություն. Ադամից մինչև Նոյ

Աստված ստեղծեց մարդուն՝ Իր պատկերով և նմանությամբ (Ա ծրագիր): Բայց երբ մարդկությունը հասավ բարոյական այլասերման այնպիսի կետի, որ «նրանց սրտի բոլոր խորհուրդները չար էին ամեն օր», Աստված գործի դրեց Բ ծրագիրը:

## Ջրհեղեղը՝ որպես վերարարչություն

«Եվ Տերը տեսավ, որ մարդկանց չարությունը շատացել է երկրի վրա... բայց Նոյը շնորհ գտավ Տիրոջ աչքում» (Ծճճ. 2 5-8): Նոյը մարդկության երկրորդ Ադամն էր: Աստված չոչնչացրեց կյանքը, այլ այն վերստեղծեց մեկ արդարի միջոցով: Սա ցույց է տալիս, որ Աստված միշտ պահում է մի «սերմ», որից կարող է նորից ծնվել Իր կամքը, եթե հիմն արդեն փոխվել է: Սա զգուշացում է ցանկացած ազգի. եթե ողջ ազգը դառնում է անպիտան, Աստված կարող է պահել միայն «մեկ մավակ» (մի փոքր խումբ), որով կսկսվի նոր պատմություն:

## Ռաբելի որդիները. Յոզվեփի և Բենիամինի զուգահեռը

Ռաբելը՝ Յակոբի սիրելի կինը, ունեցավ երկու որդի: Յոզվեփն Ա ծրագիրն էր, բայց Աստված տվեց նաև Բենիամինին. «Եվ երբ նրա հոգին դուրս էր գալիս (որովհետև նա մեռնում էր), նրա ամուլը դրեց Բենոնի (իմ ցավի որդին), բայց նրա հայրը նրան անվանեց Բենիամին (աջ ձեռքի որդի)» (Ծճճ. ԼԵ 18): Երբ Յոզվեփին եղբայրները վաճառեցին, Յակոբի ողջ սերը և Ռաբելի սերնդի շարունակականության հույսը կենտրոնացավ Բենիամինի վրա: Աստված կարծես կանխագուժում էր Յոզվեփի փորձությունը եզրիպտոսում:

Եթե Յոզվեփը ձախողեր Պետափրեսի տանը կամ բանտում, Աստված ուներ Բենիամինին: Սա սովորեցնում է մեզ, որ Աստված երբեք «բոլոր ձվերը մեկ զանախուղի մեջ չի դնում»: Նա միշտ ունի «աջ ձեռքի որդի», որը պատրաստ է ստանձնելու առաքելությունը:

## Ունայնությունից դեպի հաստատուն հիմք. Աբել և Սեթ

Սա Բ ծրագրի ամենագեղեցիկ և իմաստուն դրսևորումներից է: Աստվածաշնչյան ամուլները երբեք պատահական չեն. դրանք մարգարեական ծածկագրեր են: Աբել անունը եբրայերեն նշանակում է «շունչ» կամ «ունայնություն»: Նա արդար էր, բայց նրա կյանքը կարճ էր, ինչպես մի շունչ: Նրա սպանությամբ, թվում էր, Աստծո ծրագիրը մարդկության համար այլևս կտրված է: Երբ Ադամն ու Եվան կորցրին Աբելին, Աստված նրանց պարզեց Սեթին. «Եվ նրա անունը Սեթ դրեց՝ ասելով. «Աստված ինձ մի ուրիշ զավակ տվեց Աբելի փոխարեն»» (Ծճճ. Դ 25): Սեթ նշանակում է «հիմք», «հաստատված», «հենասյուն»: Աստված Բ ծրագրով ոչ միայն վերականգնեց կորուստը, այլև տվեց մի բան, որն ավելի հաստատուն էր: Եթե Աբելը զոհն էր, ապա Սեթը դարձավ այն հիմքը, որի վրա պիտի կառուցվեր մարդկության փրկության շրթան մինչև Քրիստոս: Երբեմն ազգի պատմության մեջ լինում են «Աբելյան» շրջաններ՝ գոհուրությունների և կորուստների ժամանակներ, որոնք ունայնություն են թվում, բայց Աստված պատրաստում է «Սեթին»՝ այն հաստատուն հիմքը, որը պիտի գա կորուստներից հետո՝ ազգի գոյությունը հավերժացնելու համար:

## Մովսես և Ահարոն. զուգահեռ առաջնորդության գաղտնիքը

Սա Բ ծրագրի մեկ այլ նախորինակ է, որտեղ Աստված կանխավ պատրաստում է զուգահեռը՝ գիտակցելով մարդու տկարությունը կամ ըմբոստ բնավորությունը: Երբ Աստված կանչեց Մովսեսին, նա հիմք անգամ հրաժարվեց՝ տարբեր պատճառաբանություններով մեջ մշելով նաև իր ծանրախոսությունը. «Տիրոջ բարկությունը բորբոքվեց Մովսեսի վրա, և նա ասաց. «Չէ՛ որ քո եղբայր դևացի Ահարոնը կա... նա քեզ համար խոսող կլինի ժողովրդի առաջ»» (Ելք Դ 14-16): Աստված գիտեր Մովսեսի ըմբոստությունը ու թերուրությունները, և այստեղ Ահարոնը էր Աստծո Բ ծրագիրը, որը գործեց հենց սկզբից՝ Ա ծրագրի հետ միասին: Աստված միշտ ունի մեկին, ով կլրացնի մյուսին: Եթե Մովսեսը՝ որպես օրենսդիր, սալթաքեր, Ահարոնը՝ որպես քահանայապետ, պիտի պահեր հոգևոր կամուրջը: Մովսեսը ներկայացնում էր Աստծո օրենքը, իսկ Ահարոնը՝ Աստծո ողորմությունն ու միջնորդությունը: Սա ցույց է տալիս, որ Աստված մեկ ազգի կամ մեկ առաքելության մեջ միշտ դնում է երկու սյուն: Եթե մեկը տատանվում է, մյուսը պահում է հավասարակշռությունը:

## Առաջնեկության կորուստը. Ռուբեն, Եսավ և մարդկային սայթաքում

Առաջնեկությունը Աստվածաշնչում սոսկ տարիքային առավելությունն չէ, այն հոգևոր կարգավիճակ է (Ա ծրագիր): Ռուբենը, լինելով Յակոբի որդիներից անդրամիկը, պետք է լիներ տոհմի քահանան և թագավորը, բայց իր անկայունության պատճառով կորցրեց այն (Ծճճ. ԽԾ 3-4): Ինչպես արդեն մեջցինք, Աստված առաջնեկությունը բաժանեց Յոզվեփի (ժառանգություն), Յուդայի (թագավորություն) և Ղևիի (քահանայություն) միջև: Եսավը Ա ծրագիրն էր, բայց նախընտրեց երկրայինը հոգևորից. «Ձգույշ եղեք... որ մի գուցե լինի մի պոռնիկ կամ պիղծ մարդ, ինչպես Եսավը, որ մեկ կերակուրի համար իր անդրամիկությունը վաճառեց» (Եբր. ԺԲ 16): Մենք քրիստոնեության մեջ «անդրամիկն» ենք՝ որպես պետություն, որպես ազգ, բայց Ռուբենի և Եսավի օրինակները հուշում են, որ սխալ ընտրության պատճառով անդրամիկությունը կարելի է վաճառել կամ կորցնել մեկ վայրկյանում: Աստված այդժամ օրհնությունը տալիս է «կրտսերին» (նոր քրիստոնյա ազգերին):

## Կանչի ներքին ընտրությունը. տապալման, թե՛ խոսք

Աստվածաշնչյան պատմության ամենաառեղծվածային կետերից մեկը Նոյին ուղղված

հրամանն է. «Քեզ համար մի տապան չիմիր» (Ծճճ. 6 14): Մակերեսային ընկալմամբ՝ սա փրկության միակ ճանապարհն էր՝ նյութական մի կառույց, որը պիտի դիմակայեր ջրհեղեղին, սակայն եբրայերեն բնագիրն իր մեջ թաքցնում է մի հետաքրքրական մոտեցում, որը բացահայտում է Աստծո Ա ծրագրի իրական իությունը: Եբրայերեն «տեյվա» (Teivah) բառը, որը թարգմանվում է որպես տապան, ունի նաև հիմնարար մեկ այլ նշանակություն՝ խոսք (կամ բառ): Սա պարզ պատահականությունն է, այլ աստվածային առաջարկի երկու տարբերակ.

- Բ տարբերակ (տապան): Կառուցել ֆիզիկական տապան՝ փայտից ու կուպրից, որն աղետից կփրկի միայն ընտանիքին ու կենդանիներին: Սա փրկություն է «ներսում»՝ մեկուսացած աշխարհից:

- Ա տարբերակ (խոսք): Կառուցել հոգևոր «տապան»՝ այսինքն՝ խոսք, քարոզ, հանրային ապաշխարության կանչ: Եթե Նոյը տապանի փոխարեն ընտրեր խոսքի կառուցումը և «կառուցեր» խոսքն այնքան զորեղ, որ այն դառնար ազգերի դարձի հիմքը, ապա ջրհեղեղի կարիքը գուցե ընդհանրապես չլիներ:

Աստված Նոյին տվեց 120 տարի ժամանակ: Այդ 120 տարին տապանը կառուցելու համար չէր, այլ՝ խոսքը: Նոյը կոչվում է «արդարության քարոզիչ» (Բ Պետ. Բ 5): Եթե Նոյի քարոզը (խոսքը) հասներ մարդկանց սրտերին, և նրանք զոջային, ինչպես դա արեցին Նիսնվեի բնակիչները դարեր անց, ապա Աստծո Բ ծրագիրը՝ ջրհեղեղը, կփոխարինվեր ողորմության նորոգված Ա ծրագրով: Յոզվա իմաստով՝ Աստված Նոյին ասում էր. «Ստի՛ր խոսքի մեջ»: Սա նշանակում է, որ ցանկացած փորձության ժամանակ մեր միակ անառիկ պատվարը, ապավենը Աստծո խոսքն է: Եթե մենք կառուցում ենք մեր կյանքն աստվածային խոսքի վրա, մենք այլևս կարիք չունենք վախենալու արտաքին ջրհեղեղներից:

Մենք էլ այսօր անմասն չենք Նոյին տրված ընտրությունից: Եթե ընտրենք խոսքի կառուցումը, ապա այն աղետները, որոնք անխուսափելի են թվում (ինչպես ջրհեղեղը), կարող են չեղարկվել Աստծո ողորմությամբ: Աստված կանչի մեզ մեզ միշտ տալիս է ընտրություն՝ կառուցել փրկության գործիքը, թե՛ վերացնել կործանման պատճառը: Աստված երբեք չի ցանկանում կործանում: Նոյի պատմությունն այս իմաստով ոչ թե ջրհեղեղի մասին է, այլ չլաված խոսքի: Տապանը կառուցվեց միայն այն պատճառով, որ խոսքը չընդունվեց: Ուստի՝ Բ ծրագիրը (տապանը) անհրաժեշտություն է դառնում միայն այնտեղ, որտեղ Ա ծրագիրը (խոսքը և դարձը) տապալվում է:

## Մեծագույն Բ ծրագիրը. Առաջին և երկրորդ գալուստ

Ա և Բ ծրագրերի մասին համեստ մտորումներիս գազաթմակետն է Առաջին և երկրորդ գալուստների համեմատական լույսի ներքո ստացած եզրակացությունը: Եթե Քրիստոսի Առաջին գալուստը համարենք մարդկության փրկության Ա ծրագիր՝ հաշտության և սիրո միջոցով, ապա պետք է նաև փաստել, որ աշխարհը չընդունեց Նրան այնպես, ինչպես հարկն էր: Քրիստոս եկավ որպես Գառ՝ մեղքերը վերցնելու համար, բայց կգա որպես Առյուծ՝ դատելու համար. «Այս Յիսուսը, որ ձեզմից երկինք վերացավ, այնպես պիտի գա, ինչպես տեսաք Նրան երկինք գնալիս» (Գործք Ա 11): Երկրորդ գալուստը Աստծո վերջնական Բ ծրագիրն է: Եթե առաջին անգամ մարդկությանը իմարավորություն տրվեց՝ փրկվելու շնորհով և քարոզությամբ, ապա երկրորդ անգամ Աստված Ինքը ուժով և արդարությամբ կհաստատի Իր թագավորությունը: Սա ցույց է տալիս, որ Աստծո ծրագիրը երբեք չի ձախողվում. եթե մարդը չի գալիս սիրով, Աստված գալիս է արդարությամբ: Եթե մենք ընդունում ենք, որ Աստված միշտ ունի «երկրորդ տարբերակ», ապա պետք է հարցնենք ինքներս մեզ՝ մենք դեռ Աստծո Ա ծրագիրն ենք այս տարածաշրջանում, թե՛ արդեն դարձել ենք Բ տարբերակ, որը նույնպես կարող է փոխարինվել. «Յիշի՛ր, թե որտեղից ընկար, և ապաշխարի՛ր... ապա թե ոչ՝ շուտով կգամ քեզ մոտ և քո աշտանակը իր տեղից կշարժեմ» (Յայտ. Բ 5): Յայ ազգի աշտանակը (քրիստոնեական առաքելությունը) կարող է տեղաշարժվել: Աստված միշտ ունի մեկ ուրիշին: Մենք պետք է լինենք ոչ թե «կորսված Յոզվեփ», այլ «գտնված Յոզվեփ»,

որը փրկում է իր եղբայրներին: Սա իմ համեստ մտորումների առաջնային և հոգևոր բարձրակետն է: Եթե մինչ այս մենք վերլուծում էինք պատմությունն ու աստվածաշնչյան օրինակները, ապա այս հաստվածը «գործնական ուղեցույց» է այն մասին, թե ինչպես կարող է ազգը վերականգնել իր կորցրած Ա ծրագիրը:

## Դանիել մարգարեի բանաձևը. ինչպես վերադառնալ Ա ծրագրին

Աստվածաշնչում Դանիել մարգարեն գտնվում էր Բաբելոնում՝ գերության մեջ: Իսրայելը սայթաքել էր, տաճարը քանդված էր, և թվում էր՝ Բ ծրագիրը (պատիժը և գերությունը) վերջնական է: Սակայն Դանիել մարգարեն գտավ այն բանալին, որը շրջեց Աստծո բարկությունը: Եվ այդ բանալին հավաքական կերպով մեղքի ընդունումն ու խոստովանումն էր. «Մենք մեղանչեցինք, անօրինություն արեցինք, ամբարշտացանք և ապստամբեցինք... Մեզ վրա է դեմքի ամոթը, մեր թագավորների, մեր իշխանների և մեր հայրերի վրա» (Դան. Թ 5, 8): Դանիելը չասաց՝ «ես արդար եմ, նրանք են մեղավոր»: Նա իրեն նույնացրեց իր ազգի հետ: Յայ ազգի համար Բ ծրագրից դեպի Ա ծրագիր վերադարձն սկսվում է ոչ թե քաղաքականությունից, այլ հոգևոր խոստովանությունից: Երբ ազգը դադարում է մեղադրել ուրիշներին և տեսնում է սեփական հեռացումն Աստծուց, աստվածային ծրագիրն սկսում է նորոգվել, սկսում է ոչ թե արդարություն, այլ ողորմություն հայցել. «Որովհետև մենք մեր աղաչանքները Քո առաջ ենք մատուցում ոչ թե մեր արդարության համար, այլ Քո մեծ ողորմության համար» (Դան. Թ 18): Սա այն կետն է, որտեղ հպարտությունը մեռնում է: Մենք չպետք է Աստծուն ասենք՝ «Մենք առաջին քրիստոնյան ենք, Դու պարտավոր ես մեզ փրկել»: Մենք պետք է ասենք՝ «Տեր, մենք սայթաքել ենք, բայց Քո ողորմությունը մեծ է»:

## Բ ծրագիրը՝ որպես Աստծո վերջին սիրո կանչ

Աստվածաշնչյան ողջ պատմությունն ապացուցում է մեկ ճշմարտություն. Աստված երբեք չի պարտվում: Եթե մարդը ձախողում է Ա ծրագիրը, Աստված ստեղծում է Բ ծրագիրը՝ ոչ թե մարդուն պատժելու, այլ Իր ծրագիրը փրկելու համար: Այսպիսով՝ ընտրյալ լինելը շարժում, փոփոխական վիճակ է: Մենք տեսանք, որ.

- Ադամին փոխարինեց Նոյը:
- Աբելին փոխարինեց Սեթը:
- Եսավին փոխարինեց Յակոբը:
- Ռուբենին փոխարինեցին Յոզվեփը, Յուդան և Ղևին:
- Իսրայելին (որպես միակ ընտրյալի) փոխարինեցին բոլոր ազգերը, որոնց մեջ հայերը դարձան առաջնել:

Սա նշանակում է, որ Աստված ունի «հավերժական պահեստագր»: Եթե մենք՝ հայերս, հպարտանանք մեր անցյալով, բայց մոռանանք մեր ներկան, Աստված կարող է մեր աշտանակը տալ մեկ ուրիշին: Աստված ունի Բ ծրագիր, բայց Նրա սիրտը միշտ բաբախում է Ա ծրագրի համար: Մեր ազգի պատմությունը մեծ վկայություն է այն մասին, թե ինչպես է Աստված մեզ պահել որպես Իր «աջ ձեռքի որդի», բայց մենք հաճախ կանգնում ենք խաչմերուկում: Արդ՝

1. Մի՛ վաճառի՛ր անդրամիկությունդ. Եսավի պես մի՛ փոխիր քո հոգևոր ժառանգությունը ժամանակավոր, նյութական «ոսպապուրի» հետ:
  2. Մի՛ թաղիր տաղանդդ. Աստված քեզ հնարավորություն է տվել լինելու քրիստոնեական պատվար. եթե դու լռես, քարերը կաղաղակեն:
  3. Դարձի՛ր «մնացորդի» մաս. Եղիայի յոթ հազարի պես եղի՛ր այն մեկը, ով չի ծնկում ժամանակակից կուռքերի առաջ:
- Աստծո Բ ծրագիրը մարդկության պատմության մեջ ամենամեծ ապահովագրությունն է: Այն մեզ հիշեցնում է, որ մեր սխալները չեն կարող կանգնեցնել Արարչին: Բայց մեր մեծագույն երջանկությունը կլինի այն, որ մենք լինենք Նրա սկզբնական կամքի կատարող՝ իրագործելով այն առաքելությունը, որի համար Աստված մեզ ընտրել էր դեռևս Արարատի ստորոտին: Այսպիսով՝ Աստված ունի Բ ծրագիր, և այս գաղափարը ոչ թե հուսահատության, այլ բացարձակ հույսի մասին է:

# Իսսիակ վրդ. Պողոսյան. «Հայոց ինքնության արեգակը»

## (վիպակ Սուրբ Մեսրոպ Մաշտոցի մասին)

### Նահապետի ծնունդը

«Ընդ առաւօտս կանխեցից՝ յանդիման լինել քեզ, թագաւոր իմ և աստուած իմ»  
(Շարակնոց):

Տարոնի լեռներում առավոտները բացվում էին սառն ու խաղաղ, ինչպես ծերունին է դողդողուն ձեռքերով անաղմուկ արձակում զգզված արխալուղի ծալքերը՝ ներս թողնելով լուսնային շարունակ պահել էին զանազան տոհմերի գաղտնի խորհուրդները, հազվադեպ էին այդքան լուռ լինում: Սովորաբար նրանց կրծքից գլորվող սուր քամիները մորմոռեղով խոնարհեցնում էին խոտածածկ թեթույունները՝ խեղդելով ու խլացնելով բազմազան ու տարբեր կանաչների մեղմ սոսափյունը: Բայց լեռներն այդ առավոտ անսովոր խաղաղ էին: Սառնությունն արդեն մահանջել էր, ու միջանցիկ քամին թեթև շաշունով բարձրացնում էր օթևանների ու ապարանների տանիքները՝ յուրովսանն ավետելով սպասվող նոր կյանքի լուսաբացը:

Երբ խոնավ լուսածագի մշուշե թանձր վարագույրը քաշվեց, ծնվեց մի մանուկ, որը հետագայում պիտի դառնար իր ազգի մտքի ու հոգու մութ անկյունները լուսավառող ճրագը: Նրա մասին հետագայում իր աշակերտներից Կորյունը գրելու էր. «Նա

ծնվեց ազնվականների տոհմից և կյանքով ու խոհով առանձնացավ մանկուց»:

Մանկան ծնունդը նման էր հանկարծադեպ պատահականության. երբ աչքերը բացեց, Տարոնի սառը օդը, թվաց, ջերմացավ, հետայնու եթերի մեջ կարծես ուրվագծվեց հայոց մեծերից մեկի խաղաղ ու փայլող կերպարանը:

Տան ներսում դեռ զգացվում էր գիշերվա ծանրությունը, սակայն մոր խոնջանքն ու դեմքի դալկությունն անցան հենց մույն պահին, երբ տեսավ մանկանը: Նախ հավեց երեխայի դեմքին, ապա պարուրեց նրան, հետայնու մոտեցնելով սրտին ու ժպիտը թաքցնելով գլխաշորի եզրերին՝ շնջեց:

— Լեռների սեր ես դու... Լեռների լուսություն կա քեզանում:

Թվաց, թե ի պատասխան՝ լեռներն իրենց հատուկ վեհությամբ մեկ անգամ էլ ողջունեցին նոր կյանքի լույս աշխարհ գալը:

Տարոնում միշտ ասել են լեռները մարդկանց բնավորություն են հաղորդում. կան դարձնում են լռակյաց, համբերատար՝ իրենց մեծ անբարակնից, կան՝ զարնան հորդ գետերի անձն՝ անհամբեր, քաջաշունչ ու խիզախ: Բայց մանուկը, որին Մեսրոպ պիտի կոչեին, ապա՝ «երանելի և աստուածասէր, սուրբ վարդապետ», «Լուսաւորիչ ազգի հայոց» ու «Մաշտոց», կարծես միափոխել էր լեռների լուսությունն ու վարար գետերի ուժը: Նորածիններին բնորոշ նրա

լացն էլ լուսյան երանգ ուներ, կարճ ու վաղանցիկ՝ խիճողով համախառն, ասես հրաժարվում էր աշխարհի հետ բաժանել իր հոգու խոնկը: Բայց աչքերը... Աչքերը խոսում էին, ինչպես խոխոջուն առվակներ՝ բաց, անզոր, հանգույն գիշերվա աստղառատ երկնքին՝ խորն ու խոստումնաշատ: Այդ աչքերը տակավին շատ բան պիտի տեսնեին՝ զնայվելու և այլայլվելու աստիճան: Բայց հիմա դրանք նայում էին պարզ ու շիտակ, անմեղ՝ որպես զարնան առաջին ցողը, որ հանդարտ հոսում ու գլորվում է քար ու ժայռի վրայով:

Հայրը՝ լեռներում ծնված մի մարդ, կանգնել էր անկողնու մոտ՝ ծանր շնչելով: Նրա աչքերը՝ սովորաբար խոր ու մռայլ, հիմա մեղմացել էին՝ սևեռում զամբելով փոքրիկից ոչ այնքան հեռու դրված դեղնաշուք Ավետարանի վրա: Լեռներից ժառանգված նրա քարե սառնասրտությունը հիմա կարծես հալվել, անէացել էր, ինչպես ձյունը՝ զարնան արևի առաջին ճառագայթից:

Երբ ձեռքերի մեջ առավ մանկանը, վայրկյանի ներգործությամբ նրա մեջ առաջ եկավ մի այնպիսի զգացողություն, որ չէր հանդգնի խոստովանել ոչ մի դեպքում: Այդ մասին հետո՝ տասնյակ տարիներ անց, գրելու էր Հայոց տան մեծ պատմահայրը. «Նա մանուկ հասակից պիտի գնար ուսման ճանապարհով, և նախախնամությունը

նրան առաջնորդելու էր դեպի խոսքի ու գրի խորախորհուրդ գաղտնիքները»:

Տունը, որտեղ վաղուց ի վեր ապրում էին ամուսինները, իսկ դրանից էլ առաջ՝ նրանց բարեպաշտ ու արդար նախածնողները, այդ առավոտ շատ ավելի ապահով ու լուսավոր էր դարձել: Պատերի անձնաբաց վառվածքներից ու լուսանցքներից ներս սահող օդը զով էր, բայց ոչ սառը: Այն փոքրիկ, թույլ ալիքներով փարվում էր ճկուն հատակին, դանդաղ բարձրանում փայտե սյունների երկայնքով՝ մերթնդմեթ շարժելով ամփոփ վարագույրների ծայրերը, ու կորանում ծիածանաձև կամարների տակ՝ իր հետ բերելով վաղուց մոռացված արշալույսների ու անցյալ դարերի շնչառությունը:

Արևի զգայուն, խորաթափանց շողերն ընկնում էին մոր վարսերին, որոնք թաքցնվել էին բեռեզին մանուկ սպիտակ գլխաշորի տակ. աչքերում գոհություն էր:

— Տես,— ասաց նա կանաչուկ,— արդեն երևում է, որ քախսոս ես, բայց աչքերդ շարունակ խոսում են ու շողջողում: Նրանց մեջ մի ամբողջ աշխարհ է պարփակված՝ լի անհատուն պատմություններով:

Այդ պահին այնպես թվաց, թե լեռները դարձյալ խոսեցին՝ փոխանցելով. «Լավ պահպանեցեք այս մանկանը, քանի որ նախախնամությունը նրա ճակատագիրը լեռներից էլ ավելի վեր է բարձրացնելու»:

Շարունակելի

# Հայրենի հողի և հայոց պատմության խորհրդաբանությունը Վ. Պետրոսյանի «Հայկական Էսքիզներում»

20-րդ դարի երկրորդ կեսի հայ արձակունքում որպես բացառիկ անհատականություն հատկանշվում է Վարդգես Պետրոսյանը: Տաղանդավոր արձակագիրն ու հրապարակախոսը, 1960-ական թվականներից սկսած, ունեցավ բուռն ու բերքառատ ստեղծագործական գործունեության տարիներ, ընդ որում՝ ոչ միայն գրական, այլև հասարակական-քաղաքական՝ Հայաստանի գրողների միության նախագահ, Հայկական ԽՍՀ և ԽՍՀՄ գերագույն խորհուրդների պատգամավոր, Մշակույթի հայկական ֆոնդի նախագահ, «Գարուն» հանդեսի գլխավոր խմբագիր և այլն:

Վարդգես Պետրոսյանը ժողովրդական գրող էր: Երկար ժամանակ վարելով բարձր պաշտոններ՝ նա, այնուամենայնիվ, երբեք չկտրվեց ժողովրդից, չպարփակվեց առանձնասենյակային լուսնային մեջ: Ավելին՝ մշտապես առիթներ էր որոնում և հնարավորություններ ստեղծում՝ ժողովրդական լայն խավերի հետ շփվելու, Հայաստանի, Արցախի և Սփյուռքի հայության հետ մշտապես հարաբերվելու համար:

Վ. Պետրոսյանի ստեղծագործություններից ամենատարածվածն ու սիրվածը, թերևս, «Հայկական Էսքիզներ» էսսե-խոհագրությունն է, որն ունեցել է մի քանի հրատարակություն (առանձին և ժողովածուների մեջ), թարգմանվել օտար լեզուներով:

«Հայկական Էսքիզները» ամբողջովին նվիրված է Հայաստան աշխարհին, բնորոշվում է հայոց պատմության հարյուրամյակների և գրողի ասրած դարաշրջանի հուզախոսով, դրամատիկ ելևէջումներով, իրականի և երևակայականի համադրությունից ծնված անսովոր ազնիվ, զեղեցիկ ու համարձակ խոհերով, հարցերով ու հարցականներով: Գրողը մաքուր խղճով և արդար բարոյականությամբ կանգնում է իր ժողովրդի պատմության ու ներկայի առջև՝ նորից և վերստին քրքրելով էջերը, անցյալն ու ներկան միախառնելով: Հայրենի հողի, հայոց երկրի, նրա հազարամյակենսագրության շնչառությունն այնպես նրբորեն է զգում գրողը, երբ կերտում է Հայաստան երկրի մշտափն ու հավերժական կերպարը:

Խոհագրության սկիզբը շատ խորհրդանշական է. քարերի երկիր Հայաստանի

առասպելի ներկայացմամբ ու մեկնությամբ Վ. Պետրոսյանն ասում է հետևյալը. «Փոքր տղա լինելի, դեռ հավատայի հեքիաթներին, պարզ-պարզ կպատկերացնեի մույնիսկ այն չար, զարհուրելի կախարհին, որ անհիշելի ժամանակներում անցավ մեր աշխարհով: Անցավ, տեսավ ու նախանձեց: Նախանձեց ու կախարհական գավազանը բարձրացնելով՝ ծղրտաց:

— Քարացեք: Ու քարացան գմբուխտ բլուրները, դաշտերում սվավացող միլիոնավոր ծաղիկներն անզույն քարակտորների փոխվեցին, թափվեցին հողին, անշարժացան անտառները, հողը կծղեց ու կարծրացավ, մույնիսկ մեր աշխարհի գլխին ամպերը ծանրացան ու քարե անձրև տեղաց: ...Ու ծնվեց իմ ժողովուրդն այստեղ ապրելով» (Վ. Պետրոսյան, «Ապրած և չապրած տարիներ» գիրք, «Հայկական Էսքիզներ», Ե., 1970, էջ 231):

Եվ այդ ժողովուրդը Տիրոջից ուրիշ հրաշք-գավազան չստացավ և գավազան չունեցավ՝ քարե կախարհաքնը քանդելու համար: Նա իր ժրաջան ձեռքերով, մտքով և համբերությամբ սկսեց թիզ առ թիզ քանդել կախարհանքի կծիկը, վերադարձնել հողին իր քնքշությունը, ծաղիկներին՝ գույները, անտառներին՝ խշշոցը: Ահա այսպիսի փոխաբերական պատկերներով ու համեմատություններով են բացվում «Հայկական Էսքիզների» առաջին էջերը, որոնք իր ժամանակին նորությամբ և թարմությամբ էին փայլում:

«Հայկական Էսքիզները» մեծ կտավի գործ է: Գրողը որևէ սահմանափակում, արգելանք չի տեսնում և հանդուրժում իր ասելիքը բարձրաձայնելու համար: Դա հոգեկան՝ ներսից ու ներքուստ տրված ազատությունն էր, որով լիուլի օժտված էր գրողը, և հոգեկան այդ սքանչելի հատկությամբ տարբերվում, առանձնանում էր շատերից:

«Հայկական Էսքիզների» գլխավոր հերոսը հայ մարդն է, Հայաստան երկիրը, աշխարհասփյուռ հայ ժողովուրդը, իսկ գործողության վայրը՝ ողջ մոլորակը, որտեղ հայ հոգի կա, հայ սիրտ ու միտք կան:

Ո՞րն էս դու, Հայաստան. այս հարցն է հաճախ հնչում գրքում: Գրողն ամենուր որոնել է իր երկրի կերպարն ու նրա հավերժության խորհուրդը. «Ես քեզ որոնեցի այ-

սորվա Հայաստանի թրթռում, երիտասարդ մարմնի մեջ ու գունաթափ քարտեզներում, որով գրգռեցին մեր պապերի դյուրակառ հոգին, որով խաբեցին մեզ բոլորը: Ես քեզ որոնեցի ամենայն հայոց կաթողիկոսների աղոթքներում առ աստված և ամեն հայի հայիոյանքի մեջ, որտեղ մենք ամենքս զարմանալի բանաստեղծ ենք: ...Որոնեցի իմ աղջկա դպրոցական առաջին տետրերի մեջ և Մատենադարանի մագաղաթներում: Որոնեցի հայ մարդկանց տաք վեճերի մեջ, երբ միանգամից քսան ծրագիր է մեջտեղ բերվում, թե ինչպես էր հնարավոր փրկել Հայաստանը՝ հիմնադրող, տասներորդ, տասնյոթերորդ դարերում, 1915, 16, 17, 18 թվականներին» (էջ 327):

Պատմության քառալիներում և անցած դարերի մեջ գրողը միշտ որոնել է իր երկրի կերպարը, նաև այդ նպատակով ուղեով շրջել հայոց պատմության հնամենի ու նվիրական հետքերով՝ Կարսից մինչև Տրոյայի ավերակները: Չարմանալի, շատ զարմանալի բան է, երբ մարդ իր հայրենիքից գնում է դեպի... պատմական հայրենիք, որն այլևս ուրիշներինն է. «Սա Կարսն է, երևի շատ մոտիկ Կարսի բերդն է, Առաքելյոց եկեղեցին, նշանավոր կամուրջը... Սա Կարսն է, ընդամենը 50 տարի առաջ մարդիկ Ալեքսանդրապոլից ֆայտոնով եկել են այստեղ քյուֆթա ուտելու և թուրք տանելու» (էջ 334): Գրողի պատմական զգացողությունն այդ պահին ծանրանում է մեծապես. «Հանկարծ ուզում են ճչալ, ուզում են աշխարհի բոլոր բարձրախոսների ձայներով գոռալ այդ մարդկանց ականջներում. դուռ, որ հանգիստ թեյ էր խմում կամ ծխում էժամագին մարգիլե, գիտե՞ք, որ այս տան տերերին սպանել են, գիտե՞ք, որ ծալապատիկ մտած էք ուրիշի արյունով թաց, ուրիշի հողի վրա» (էջ 335):

Գրողն իր ուղևորության ընթացքում բազմիցս ականատես է եղել, թե ինչպես են թուրքական իշխանություններն իրենց պետության ներսում կեղծում, նենգափոխում և այլասերում պատմության էջերը՝ հարմարեցնելով դրանք իրենց պետական շահերին ու նպատակներին: Դեռևս 1965 թվականին նա գրում է. «Մենք դուրս ենք գալիս դահլիճից, թանգարանից և բարձունքի կանգնած երկար նայում Բոսֆորի ջրերին: Կզմ արդյոք Թուրքիայի այն սերունդը, որը

կկարդա իր երկրի պատմության արյունոտ էջերը, կսալ՝ արդյոք իր դաժան խոսքը: Չգիտեմ: (Մարդկային պատմության գրքում այնքան էջեր կան չկարդացած, միլիոններ մերն է...)» (էջ 350):

Եթե 1960-ական թվականների կեսերին թուրքական հասարակության մեջ այդպես խորհող, հավանաբար, որևէ մեկը չկար, ապա այսօր այդպես մտածող թուրքեր կան: «Հայկական Էսքիզները» հայրենասիրական բորբոքուն լիցքերով մի ուղերձ է, կտակ, պատգամ և հորդորակ՝ ուղղված յուրաքանչյուր հայի և երկրագնդի ողջ հայությանը: Վ. Պետրոսյանը մշտապես թեժացնում, բորբոքում է մեր ժողովրդի պատմական հիշողությունը, անարգանքի սյունին գամում դավաճան հայերին. «Չեն ուզում նորից ստառապել նրա համար, որ մեր ժողովրդի պատմության բոլոր կարևոր հատվածները լիքն են դավաճաններով: Եթե Վարդան՝ նրա կողքին Վասակ կա, Սամվել է՝ Մերուժան Արծրունի, Գագիկ թագավոր է՝ Վեստ-Սարգիս, Մխիթար սպարապետ է՝ Միհրան հարյուրապետ, և այսպես անվերջ: Քանի-քանի սերունդ հաշտվել է այս բանի հետ և արդարացման խոսք չի գտել, երբ օտարներն էլ ակնարկել են այդ մասին» (էջ 364): Գրողը տարակուսում է, որ այդ դավաճաններին զուցե մեր պատմիչներն են հնարել, քանի որ, եթե նրանք չլինեին, ինչպես պետք է բացատրվեին հայոց երկրի բազում սայթաքումներն ու ողբերգությունները:

«Հայկական Էսքիզները» մեծ չափանիշներով ու մասշտաբներով գործ է: Այն այսօր մույնքան արդիական է, որքան իր ստեղծման օրերին՝ 20-րդ դարի 60-ական թվականներին: Թարգմանվելով օտար լեզուներով՝ այն նաև օտարազգի ընթերցողներին է լավագույնս ներկայացնում Հայաստանը, նրա պատմության լուսավոր ու ողբերգական էջերը, հայոց պատմության խորախորհուրդ դասերը: «Հայկական Էսքիզներով», ինչպես նաև իր այլ ստեղծագործություններով, Վարդգես Պետրոսյանը շարունակում է իր հոգեկան ու բարոյական հզոր ներգործությունը հայ սերունդների մտքի, հոգու և գեղագիտական ճաշակի վրա:

Արմեն ԿԱՐԱՊԵՏՅԱՆ, պ. գ. ք.

